

四庫全書

子部

欽定四庫全書

事類賦卷十二

宋 吳淑 撰

服用部

衣

黃帝垂衣裳而天下治蓋取諸乾坤

出易注云上衣下裳乾坤之象

若

夫縞衣綦巾聊樂我員

出詩注云縞色白男服也綦蒼艾色女服也

或以取

睢渙之麗

陳留風俗傳曰襄邑睢渙之水出文章故曰黼黻藻錦日月華蟲以奉天子宗廟御服焉

或以象翬翟之文

漢輿服志曰聖人觀翬翟之文榮華之色乃染帛以効之始作五采以為

服凡十

二章 無褐而寧能卒歲

詩曰一之日觶發二之日

不

衷而還復災身

左傳曰鄭子臧齊宋好聚鵠冠鄭伯使盜誘而殺之君子曰服之不衷身之災

也

蜉蝣之羽衣裳楚楚

出詩又曰蜉蝣之翼采采

續為

繭而緼為袍

禮曰非列采不入公門振絺綌不入公門素裳不入公門襲裳不入公門續為繭

為袍禪為

網帛為褶

袂應規而袷如矩

禮深衣曰袂圓應規曲袷如矩

中山則悟

其顛倒

說苑曰魏文侯封太子擊於中山使不往來舍人趙倉唐奉使文侯問子之君長大孰與寡人

倉唐曰君賜之外府之衣則能勝之文侯遣倉唐賜太子衣一襲令倉唐雖鳴時至太子迎拜賜發篋衣盡顛

倒太子趣其駕曰賜之衣非以為寒也欲召擊也無誰與謀故遺予以詩曰東方未明顛倒衣裳顛倒之自

公名

若敖則始於藍縷

見車賦集開楚子注

短毋見膚長毋被土

禮深衣曰古者深衣蓋有制度短毋見膚長毋被土

襜則蔽前

爾雅曰衣蔽前謂之襜注今蔽膝也

幅聞在下

詩曰亦帶古蔽膝之象也注帶大帶古蔽膝之象也

周瑜既荷於百領

吳書曰孫權每賜周瑜衣寒暑皆百領諸將莫有及者

南粵亦蒙於三褚

漢書曰帝賜南

粵王佗上褚五十衣中褚三十衣下褚二十衣注以綿紫衣曰褚

驚耿恭之穿決

後漢書耿

恭自疏勒還衣屨穿決形容枯槁

訝張融之麤故

齊書曰高帝手詔賜張融衣曰見卿衣服

麤故誠乃素懷有本久爾繼縷亦虧朝望今送一通故衣意謂雖故乃勝新也是吾所著已令裁減稱卿之體

范曄致思以精微

宋書曰范曄性精微有思致衣裳器服莫不增損制度世人皆法之

到

溉顯名於率素

南史曰到溉性率儉不好聲色虛室單牀旁無姬侍冠履十年一易朝服或至

穿襲此黼領

爾雅曰衣視謂之視黼領謂之褖

被茲繡裳

詩曰君子至止黻衣繡裳

我韋兮子佩

莊子曰祝牧謂其妻曰天下有道我韋子佩天下無道我負子戴

上玄兮

下黃

輿服志曰黃帝堯舜垂衣裳而天下治蓋取諸乾坤故上衣玄而下衣黃也

笑何容之

焦背

南史曰何敬容為吏部尚書性矜莊衣冠鮮麗梁武帝雖衣浣衣而左右衣必須鮮潔嘗有侍臣衣

冠卷摺帝起曰卿衣帶如繩欲何所縛敬容布衣常以膠清刷鬚衣裳不整伏牀熨之或暑月背為之焦

驚

陳暄之上堂

陳書曰徐陵為吏部尚書精簡人物縉紳之士皆嚮慕焉陳暄以玉冒簪挿髻紅絲

布裹頭袍拂踝靴至膝不陳爵里直上陵生陵不之識
命更持下眩徐步而出舉止自若竟無忤容作書諱陵

陵甚

楚莊既見於博袍

墨子曰楚王
絳衣博袍

沈慶俄聞於急裝

宋書曰沈慶之領隊防東門劉湛被收之夕開門召慶
之慶之戎服履絰縛縲入上見而驚曰卿何意乃爾急
裝慶之曰夜半召
隊主不容換服
爾其更始諸于
後漢書曰更始時授
官爵皆羣小賈豎屠

夫庖人多著繡面衣錦袴襜褕諸于時智者見之以為
服之不衷也注曰諸于大掖衣也如婦人之袿衣方言
曰襜褕其短者自闕西謂之襜屈郭璞云俗名襜掖據
此即是諸于上加綉裾如今之半臂也襜音充襜音屈

申生偏褰

國語曰晉獻公使太子申
生伐東山宋之偏褰音篤

粉褰戍削紆徐委

曲

子虛賦曰雜織羅出霧縠紆徐委曲鬱撓豁谷粉粉
褰褰揚施戍削注云言衣文理如豁谷粉褰衣長貌

揚舉也施衣袖
戍削裁制也

被以曳婁

詩曰子有衣裳弗曳弗婁

樂茲安燠

詩曰

無衣七兮不如子之衣安且吉兮
曰無衣六兮不如子之衣安且燠兮

戴禮既明於五法

禮深衣曰制十有二幅以應十有二月袂圓以應規曲
袷如矩以應方負繩及踝以應直下齊如權衡以應平
故規者行舉手以為容負繩抱方者以直其政方其義
也下齊如權衡者以安志而平心也五法已施故聖人

服之
齊國亦供其三服

漢書曰齊國有三服官奉獻冠幘
緹為首服純素為冬服輕綃為夏

服

至於彥回羅襪

宋書曰明帝疾召褚彥回入帝坐帳
中流涕曰吾近危篤故召卿欲使著

黃羅襪耳指牀頭大函曰文書函內冀此函不復
開彥回亦悲不自勝黃羅襪乳母服也襪來可切

邊讓

襜褕

邊讓別傳曰讓才辨俊逸孔融薦於魏武曰邊
讓為九州之被則不足為單衣襜褕則有餘

聊

以旌禮

春秋左氏傳曰服以旌禮

期之煖膚

南君書曰上世之人衣不煖膚食不滿腹

美

朱勃之方領

後漢書曰朱勃字叔陽年十二能誦詩書嘗候馬授兄况勃衣方領能矩步注頸下

施衿領正方學者之服也

偉江充之曲裾

漢書曰江充初召見犬臺宮衣紗縠單衣曲裾後出

交輸冠蟬纓步搖冠飛翮之纓容貌甚壯帝謂左右曰

燕趙固多奇士注云交輸若燕尾垂之兩旁見於後也

冠蟬纓故步則搖又以鳥羽作纓

意惻西華之葛

見冬賦西華練裾注

價騰王導

之練

晉書曰蘇峻平後帑藏空竭庫中唯有練數千疋賣之不售而國用不足導與朝賢俱制練布單衣

於是士庶翕然競服之練遂貴端至一金

至夫法圭刀之形

釋名曰婦人上服曰袿其下垂

者上廣下狹如刀圭也褊屬也衣裳上下相連屬

列鴈鴈之制

唐書曰德宗賜節度觀察使時

服高方纈作呈闕所宜上曰頃來賜衣文采不常非制也朕今思之節度使以鴈銜綬帶取武毅以靖封內觀

察使以鴈銜威儀委取其行列有刺彼維鷄詩曰維鷄在梁不濡

序收人有威儀也威儀委瑞草也其翼彼已之戒其在笥書曰惟衣裳在笥既順序而有文左傳曰狄

伐衛衛懿公與石祁子珅與甯莊子矢使守曰以此贊國擇利而為之與夫人繡衣曰聽於二子注取其文章

順亦從容而不貳禮編衣曰長民者衣服不貳從容有常以齊其民則民聽一或被

之而象天禮曰郊祭之日王被袞以象天戴冕藻十有二旒則天數也或斷之而離

地漢書曰蓋寬饒左遷衛司馬尹范則互為出入謝承後漢

書曰陳留尹苞與同郡范史雲善二人俱貧出入共一單衣到入門外苞年長常先著衣入須臾出解與史雲

僑札則交相贈遺

左傳曰吳季札聘鄭見子產如舊相識與之編帶子產獻紵衣焉

三

命有葱衡之錫

禮曰一命緇韎黼衡再命亦韎黼衡三命亦韎葱衡注緇赤黃色

一篋

慰寒泉之思

後漢書曰章帝嘗幸南宮閤陰太后器服愴然動容乃留五時衣各一襲及常所御

衣五十篋餘悉分

布賜諸王上賜東平王蒼及瑯邪王

京書曰閭饗衛士於南宮因閭視舊時衣物思惟王孝

友之德今送光烈皇后假髻帛巾各一及衣一篋可時

奉贍以慰凱風寒泉之思又欲令後生子孫得見先后

衣服

則有顯宗之嘉郭賀

後漢書曰郭賀為荊州刺史有珠政顯宗巡狩到南陽時

特見嗟嘆賜以三公之服黼黻冕旒勅行

部去瞻帷令百姓見其容服以彰有德

宋高之喜超

宗

宋書曰謝超宗嘗詣東府門自通其日風寒高帝謂四座曰此客至使人不衣自煖

或挂神武

之門上

齊書曰陶弘景永明十年脫朝服挂神武門上表辭祿詔許之

或爛郭文之戶

中

晉書曰高士郭文字文舉居大辟山常著鹿裘葛巾餘杭令顧璆與葛洪造之璆使致穀衣文不納使置

室中乃爛於戶內竟不服用

伏儉德於晏子

韓子曰晏嬰相齊晏不衣帛馬不食粟又禮記

曰晏子一狐裘三十年

挹清節於祭彤

後漢書曰祭彤在遼東義三十年衣無兼副顯宗美

其清約賜之衣被什物無不悉備

載寢而暗驚持玉

魏畧曰文昭甄后始生每寢寐家中

髻髻見有人持玉衣覆其上

長裾而乍喜陵風

拾遺記曰負嶠山南有池移國人長三尺

壽萬歲茅為衣衣服皆長裾大袖因風以升烟霞若鳥用羽毛

豈曰無衣與子同澤

詩曰

豈曰無衣與子同袍豈曰無衣與子同澤豈曰無衣與子同裳注澤褰衣

莊子之對魏王

莊子

曰莊子衣大布之衣而過魏王魏王曰何先生德之德也
卽莊子曰士有道德不能行德也衣弊履穿貧也非德也

豫讓之報智伯

春秋後語曰趙襄子滅智伯智伯之臣豫讓變姓名入宮塗廁以刺襄子

襄子覺而赦之後讓伏於橋下襄子至橋馬驚使視之
復得讓襄子嘆曰嗟乎豫讓之為智伯名既成矣寡人
赦子亦足矣子自為計寡人不釋子矣讓固伏諫願得
君之衣而擊之襄子義之脫附身之衣以與之讓拔劍
三躍呼而擊之曰吾可以

聞美管寧之儉

魏志曰明帝微管寧辭不

就詔問青州刺史程喜寧守節高乎審老疾屈頭耶喜
上言寧常著皂帽布襦袴布裙出入閨庭能自拄杖不
須扶持四時祭祀輒自力彊改著絮巾故在
遼東所有白布單衣親薦饋饌跪拜成禮

歎王允之

清

魏氏春秋曰王允為吏部郎選郡守明帝疑其
所用非次召入乃釋遣出望其衣敗曰清吏也

識榮

啟之縣裳

淮南子曰林類榮
啟期衣苦縣裳

見董威之結繪

王隱晉書
曰董威輦

至洛陽止宿白社中於市得殘

碎繪輒結以為衣號曰百結衣

若夫展白無文

釋名曰
展衣展

坦也坦然正白無

綠黑有裏

詩曰綠兮衣兮綠衣黃裏
注鞠衣黃展衣白祿衣黑

皆以素紗為裏今非

授之九月

詩曰七月流
火九月授衣

戒其三褫

易曰或錫之鞶帶終朝三褫之

在齊國而曾聞至黻

見歌

象曰以訟受服亦不足敬也

賦寫生

入漢宮而未嘗曳地

史記曰文帝衣絳衣所
幸慎夫人衣不曳地

子

飯牛注

夏既困於縣鶉

孫卿子曰子夏家貧衣若縣鶉人曰子
何不仕曰諸侯之驕我者吾不為臣大

夫之驕我者

林既亦傳於衣葦

說苑曰齊林既者衣葦
朝景公公曰何服小人

吾不復見

衣即林既曰衣狗裘者不必狗吠服羊裘者不必羊鳴今君衣狐裘能狐鳴乎

紱見方來

易困九二

曰朱紱方來

繡聞直指

漢曰武帝末郡國賊盜群起暴勝之為直指使者衣繡衣持斧捕之觀

采錯於張嶷

南史曰張嶷少敦孝行年三十餘猶斑衣受父穆杖動至數百收淚歡然喜爛

斑於萊子

孝子傳曰老萊子年七十父母猶在萊子常服斑衣為嬰兒戲

復有袁忠之

詣王朗

謝承後漢書曰袁忠乘船載笠詣王朗見朗左右僮從皆著青絳彩衣非其侈麗即辭疾發而

退

魏文之待楊彪

楊彪別傳曰魏文帝令彪著布單衣待以賓客之禮

江湛浣之

而稱疾

宋書曰江湛字徽深為吏部尚書無兼衣餘食嘗為上所召遇漸稱疾經日衣成然後起

子

服言之而見囚

國語曰季文子相宣成無衣帛之妾無食粟之馬仲孫他諫曰人其以子為愛

且不華國乎天子告孟獻子獻子因之七日自是子服之妻衣不過七升之布注仲孫他獻子之子子服也愛

也 怯 至若朱博大裕

漢書曰朱博為瑯邪太守敕官屬多作襃衣大裕不中節度自今掾吏衣

今去地三寸 裕袴也音紹

雋生盛服

見劍賦雋生佩極具注

齊桓惡紫

尹文子曰齊桓

好服紫國人盡服之公患之管仲曰君謂左右甚惡紫臭於是三日境內莫有衣紫者

晉文矯俗

尹文子曰昔晉國苦奢文公以儉矯之乃衣不重帛食不兼肉無幾時國人皆大布之衣脫粟之飯析淪

之網

拾遺記曰西方析淪國具俗淳和人壽三百歲綴草毛為網衣如羅紵者元狩六年獻網一葉帝懼

後世微求之焚於九達之道烟如金石之氣

頻斯之玉

拾遺記曰晉太始初頻斯國人來朝以五

色玉為衣 如今之鎧

宋景之於翡翠

拾遺記曰宋景公聽四時之衣春夏以珠玉為飾秋冬以

翡翠田文之譏綺縠春秋後語曰田文謂其父靖郭君曰君後宮蹈綺縠之衣而士不得

短乘太車者如葵詩曰大車聽男女之訟也大車檻檻

子大夫服毳冕以遊行祭先蠶者如鞠周禮曰內司服掌王后六服鞠

葵蘆始生也瑞縹色衣注鞠衣黃赤服也色如鞠委委蛇蛇象服是宜詩曰委委

蛇蛇象服是宜注曰象服者謂褕狄闕狄也狐尾虎文之飾梁冀別傳曰冀作狐尾單衣上

短下長與服志曰虎賁武騎皆衣虎文單衣雉頭火浣之奇晉書曰武帝時太醫司馬程據

獻雉頭裘帝以奇技異服典禮所禁焚之殿前傳子曰梁冀作火浣布單衣會賓客行酒失盃而汗之偽怒解

衣而燒之垢盡火滅聚然潔白正色間色之異禮曰衣正色裳間色執衽扱衽之

儀

爾雅曰執社謂之社
拮据社謂之禩

商火夏山之制

禮曰有虞氏服韍
夏后氏山殷火周

龍章注曰韍韠也
舜始作之以尊祭服
禹湯至周增以畫文

前方後剄之規

禮曰韠君朱大

夫素士爵章同設
天子直公侯前後方大
大前方後剄角士前後正韠蔽也以韋為之

識唐帝之

三浣

唐書曰肅宗性節儉嘗出
袖示近臣曰此衣三浣也

辨漢高之五時

漢雜事曰高祖

時大謁者臣章受詔長樂宮令舉臣議天子所衣服以
安天下謁者趙充舉春李毋舉夏兒湯舉秋貢禹舉冬

五時衣
始於此

逢山甫而見補

詩曰袞職有闕
仲山甫補之

遇武公而改為

詩曰緇衣美鄭武公也
緇衣之宜兮敝予又改為兮
緇衣之宜兮敝予又改為兮
緇衣之宜兮敝予又改為兮

注席
大也

商紂投火以蒙寶

六韜曰武王伐紂紂
蒙寶衣投火而死

宋明憎風

而用皮

見風賦宋明令史注

三世方知其被服

魏志曰文帝詔曰三世長者知被服

五世長者知飲食言被服飲食難曉也

五采則見其彰施

書曰予欲觀古人之象日月山

龍華蟲作會宗彝藻火粉米黼黻絺繡以五采彰施於五色作服汝明

馬援都布

後漢書曰馬援

為偶器使公孫述述威陳陸衡以延援入交拜禮畢使出就館更為援制都布單衣注東觀記作答布答布白

也 仲尼逢掖

禮曰孔子對魯公曰丘少居魯衣逢掖之衣長居宋冠章甫之冠注曰逢猶大也大

袂禪衣君子有道藝者所衣也

麤疎既訝於馬后

後漢書曰明德馬后常衣大練裾不加緣

朔望諸姬主朝請翌見后袍衣練麤反以為綺縠既視乃笑后辭曰此繒特宜染色故用之耳六宮莫不歎息

注大練厚繒也

鮮明復稱於王吉

漢書曰王吉字子陽好車馬衣服自奉養極為鮮明而遠

從所載不過囊衣天下服其廉

或振之而因浴

離騷曰新沐者

必彈冠新浴者必振衣也

或題之而見易

拾遺記曰任末年十四好學觀書有合意處則題其

衣裳及掌裏以記其事門徒悅其勤學更以淨衣易之

王敦脫故而自如

晉書曰石崇以

奢家矜物廁常有十餘婢列侍有客如廁皆易新衣而出客多羞脫故而王敦脫故著新意氣無忤婢相謂曰此必能作賊

桓沖怒新而理屈

世說曰桓沖不好著新衣浴訖妻送新衣沖怒惟使將去

婦遣持還語云衣不經新何緣得故沖大笑而服之

既韜文而尚褻

見錦賦頌人褻衣注

亦

用兵而去韞

漢輿服志曰五霸通輿戰兵不息韞非兵飾於是去韞

斯蓋後聖有

作而治其麻絲變上古羽皮之質

禮曰孔子曰昔先王未有麻絲衣其羽皮

後聖有作治其
麻絲以為布帛

冠

夫冠者所以飾首而別成人者也

白虎通曰冠帷也所以帷持髮也人示成

禮有修飾文章故制冠以飾首別成人也

若夫藹藹揚輝

左思魏都賦曰藹藹列侍金貂齊光

金蟬翠綵

梁書曰帝臨軒冠太子於太極殿舊制太子著遠遊冠金貂蟬翠綵纓至是詔加金博山

周之委貌夏之母追

禮曰委貌周道也章甫殷道也母追夏后氏之道也母音牟追音堆

柱後惠文執法近臣之服

三禮圖曰法冠曰柱後惠文一日緌旁冠杜高五寸以纁

為展簡以鐵為卷柱蔡邕獨斷曰法冠秦制執法者服之漢制侍中中常侍皆冠惠文加貂附蟬

高山

測注行人謁者之儀

三禮圖曰高山冠一曰測注高九寸鐵為卷梁秦制行人使者所服

今謁者服之

爾其本於縮縫

禮曰古者冠縮縫今也銜縫故喪冠之反吉非古也注解時人

之威喪冠縮縫古冠耳

始於緇布

三禮圖曰緇布冠始冠之冠也太古冠布齊則緇之未有絲繪

故麻耳

黠續如橘

隋書曰六等之冕皆有黠續黃綿為之其大如橘自皇太子以下三屏導青纓

垂旒若露

古今注曰牛亨問冕旒稱繁露何也答曰綴而下垂如露之繁多故曰繁露

楚子

通梁

淮南子曰楚莊王通梁組纓注通梁遠遊冠

魯儒章甫

見衣賦仲尼逢掖注

見諸

侯之續綾識天王之朱組

禮曰玄冠朱組纓天子之冠也緇布冠續綾諸侯之冠也

注云皆始冠之冠也

招虞人而不進

見弓賦虞人不進注

問仲尼而寧語

家語

曰哀公問孔子曰昔舜何冠孔子不對公曰有問於子不對何也對曰舜之為君好生惡殺任能授賢君舍是

不違而冠是卑狹已傳於梁冀續漢書曰梁冀改與服制卑賡狹冠毀裂

詎堪於伯父

左傳曰王使唐桓伯辭於晉曰我在伯父猶衣服之有冠冕水木之有本源民人之

有謀主伯父若裂冠毀冕拔本塞源若其戴北斗之奇

製

曹植與陳琳書曰夫披翠雲以為衣戴北斗以為冠帶虹霓以為紳連日月以為佩此服非不美也然而

帝王不服者望殊題南部之嘉名後漢書曰崔林給事黃門參定禮儀帝嘗

於天志絕於心矣閔故府得舊冠題曰南部尚書崔文雅既訝於欣泰梁書

崔制顧謂林曰此卿家舊事也日張欣泰為直閣部兵校尉領羽林監通涉雅俗交結多士名素正直著鹿皮冠挾素琴有以政武帝帝曰將

家兒何敢作此舉止

簡彛復怪於陳靈

國語曰定王使單襄公聘楚假道於陳陳靈公與孔

寧儀行父南冠以出如夏氏單子歸告王曰棄袞冕而南冠以出不亦簡彛乎注云謂簡畧常服也

邵宋

康之示勇

桓子新論曰宋康王為無頭之冠以示勇

傷子路之結纓

左傳曰石乞孟

縻作亂子路以戈擊之斷纓子路曰君子死冠不免結纓而死

大有寬饒之制

漢書曰蓋寬饒

初拜衛司馬冠

小聞子夏之稱

漢書曰杜欽字子夏家富而目偏盲茂陵杜鄴

大冠帶長劍

赤字子夏時人號欽為盲杜子夏以相別欽惡以疾祇

乃為小冠廣裁一寸由是京師更謂欽為小冠杜子夏

彈之蓋申於知己

漢書曰王陽與貢禹為友陽為益州刺史禹聞之彈其冠以待陽薦陽薦

禹於成帝

溺之不喜於儒生

漢書曰沛公略地陳留度下騎士鄺食其里中子也

召為大夫

食其見之曰沛公吾所欲從遊騎曰沛公不喜儒諸
客冠來者沛公執解冠溺其中未可以儒生說也 至

於魯國紫綾

禮玉藻曰玄冠紫綾自魯桓公始也
注云蓋魯宋王者之後服綾當用緒

衛文

大帛

左傳曰狄人滅衛奔桓封衛於楚丘衛文公
大布之衣大帛之冠注用諸侯諒闇之服

奇服

切雲

楚辭曰余幼好此奇服帶長
鉄之陸離冠切雲之崔嵬

華纓飛翾

張衡七辯
曰微霧之

冠飛翾
之纓

漢高之作竹皮

漢書曰高祖為亭長以竹皮為
冠及貴所謂劉氏冠也後令爵

非公乘以上
無得冠劉氏

段頰之為赤幘

東觀漢記曰段頰減羌
詔賜頰赤幘大冠一具 則

有服茲黼舄

詩曰殷士膚敏裸將於京厥作裸將
常服黼舄注黼白與黑舄殷冠也

戴此

紃紃

左傳曰衛紃紃昭其度也注
紃纓從下而上者紃冠上覆

弁師之司五冕

周禮

曰弁師掌王之五冕朱裏延組五采縹十有二就注延冕之覆組小鼻筭所貫縹合五色絲為之垂於延之前

後各十有二所謂蓮延也就成也縹之每一市而貫五采十二旒則十二玉也

彦回之惜三蟬

齊書曰何戰為侍中上欲轉戰領選問尚書令褚彥回以戰資重欲加散騎常侍彥回曰宋時王球從侍中中書令單作吏部尚書資與戰相似領選職方惜小輕不容頗如常侍臣與王儉己左珥若復加戰則八座便有

三蟬若帖以驍游亦不為少乃

豈畏郭彰之截角

晉書曰劉

暕字長升轉侍御史武庫火尚書郭彰率百人自衛而不救火暕正色詰之彰怒曰我能截君角也暕勃然謂

彰曰君何敢恃寵作威作福天子法冠而欲截角手求紙筆奏之彰伏不敢言衆人解釋乃止

唯訝劉

虞之補穿

後漢書曰劉虞為公孫瓚所誅初虞以儉素為操冠敝不改乃就補其穿及遇害瓚兵搜

其內而妻妾服羅紈
飾時人以此疑之
復有上元九星之華王母晨纓之

美

漢武內傳曰上元夫人戴九星靈芝
夜光之冠西王母戴太真晨纓之冠

衛叔芙蓉之飾

神仙服食經曰漢武帝間居未央殿有人乘白
雲車駕白鹿冠芙蓉冠曰我中山衛叔卿也

籍孺鵠

鵠之麗

史記曰高祖時籍孺孝惠帝時閭孺婉姪賞倖
與上同臥起故惠帝時郎中皆冠鵠鵠貝帶傳

脂粉比閭
籍之屬

宋文拔貂以接下

蕭子顯齊書曰侍中世為
親近職魏晉選用稍增華

重宋文帝元嘉中王曇首殷景仁等並為侍中情任親
密景仁與帝接膝共語貂拂帝帝手拔貂置案上語畢
復手
插之
楚莊絕纓而待士
說苑曰楚莊王賜群臣酒日暮
燭滅有引美人之衣者美人援

絕其冠纓告王趣火來視絕纓者王曰賜人酒使醉失
禮奈何顯婦人之節而辱士乎乃命皆絕去其冠纓然

後復

集鳥會感於曾參

見鳥賦集庭於有虞注

飛蟬更欣於朱异

梁書曰朱异除中書郎時秋日始拜有飛蟬正集异冠上時咸謂蟬珥之兆後果如其言

收尋之名

既異

禮曰周升殷尋夏收三王共皮弁素積尋音訓

齊楚之制亦殊

墨子曰昔齊桓公高

冠博帶以治其國楚莊王鮮冠組纓絳衣博袍以治其國

管仲曾言於救失

見酒賦醉裏遺

孫敖方嘉於行誅

淮南子曰楚莊王誅史里孫叔敖製冠浣衣注云史里佞臣也惡人

誅自知當見用

嘗聞伯之獺皮

梁書曰陳伯之好著獺皮冠

江充蟬纓

見衣賦偉

江充之曲裾注

御史豸角

唐書曰侍御史宋放請復置朱衣豸冠於內廊有犯法者御史服以彈之

虎賁鵄尾

漢官儀曰虎賁冠挿鵄尾鵄鳥中之果士勁者也每所攬撮應爪摧碎尾上黨所貢

會黻冕

左傳曰士會滅赤狄晉侯請於王以黻冕命士會料中軍且為太傅

晉侯端委

國語

曰周襄王賜晉文公命晉侯端委而入注云玄端之衣委貌之冠也

或以樊噲作名

周禮與服

志曰樊噲裂衣包袖戴以為冠排入項羽營今司馬殿門衛士服之制似冕

或以慕容為氏

前燕錄曰慕容廆曾祖父莫護跋見燕代少年多冠步搖冠好之乃斂髮襲冠諸郎因呼之為步搖其後音訛

而為慕容遂以慕容為氏垂綏既表於游情縞武因知其不齒

禮曰垂綏

五寸情游之士也玄冠縞武不齒之服也注云情游罷民也垂綏於縞冠不齒所以故不帥教者

亦有

冠之而曾無醜士

陸詩曰冠冕無醜士長纓皆為民

遺之而信是小人

項語曰范獻子卜獵占之繇曰君子得龜小人遺冠范獻子獵而無得遺其豹冠

雲公見戲於

燒燭

齊書曰陸雲公苦寒嘗夜侍武帝冠觸燭火帝笑謂曰燭燒卿貂帶將用為侍中故以此戲之

江淹獨欣於採薪

蕭子顯齊書曰江淹年十三時孤貧嘗採薪以養母曾於樵所得貂蟬一

其將鬻以供養其母母曰此乃汝之休徵也汝才行若此豈長貧賤可留待得侍中著之後果拜侍中見

彈治於梁相

漢書曰張敞第武為梁相敞遣吏送之問曰何以治梁武曰馭點馬者利其銜策當

以杜後患文彈治之耳吏還告敞曰必辨治梁矣注秦執法法冠也今御史服之

從嗜好於鄒

君

韓子曰鄒君好服纓左右皆作長纓纓甚貴鄒君患之於是鄒君自斷冠纓國中皆不服

望汲黯

而避武帳

史記曰丞相公孫弘燕見上或時不冠至於汲黯見上不冠望見上不冠不見會生武帳中黯前奏事

上不冠望見

辭王莽而挂東門

東觀漢記曰王莽居攝子宇諫莽而莽殺之逢

萌謂其友人曰三綱絕矣不去禍將及人即解冠挂東門而去

交讓知求舊之意

東觀漢記

曰馬援與公孫述有舊援入蜀述見之甚喜冠之交讓之冠立舊友之位

枝木聞訾聖之言

莊子曰盜跖責孔子曰爾詐言造語妄稱文武冠枝木之冠帶死牛之腦搖唇鼓舌擅生是非以迷天下主

觀其飾以貂鼯

劉楨答魏文帝踐曰貂鼯之尾挂侍臣之幘

簪之玳瑁

班固與賈

憲既曰將軍哀憐賜以玉躬所喜駭犀玳瑁簪史記曰趙平原君使人於春申君趙使欲夸楚為玳瑁簪春申君

客三千餘人上客皆躡珠履趙使大慙

莊子縵胡之稱

見劍賦改此縵胡注

齊將兜

螯之對

齊書曰周盤龍為東平太守求解職見許還為散騎常侍武帝戲之曰卿著貂蟬何如螯螯盤

龍曰此貂蟬從

賜遠游於于禁

魏文帝與于禁詔曰昔漢高脫衣以衣韓信先

武解綬以帶李忠誠皆人主當時
責敬功勞今以遠游冠與將軍

加進賢於李繪

北齊書曰

文襄嗣業以前司徒侯景進賢冠賜李繪曰卿
但盡心事孤當用卿為三公勿學侯景叛也

或以金

貂換酒

晉書曰阮孚字遠集為安東府參軍遠髮飲酒
不以王務嬰心後拜散騎常侍性既嗜酒嘗以

金貂換酒為有
司所彈帝宥之

或以釐纓請罪

家語曰大夫請
罪用白冠釐纓

又若象

玄武之威

春秋繁露曰冠之在首玄武之象也玄武貌
之最嚴威者其象在後反居首者武之至而

不用採零陵之竹

周書曰成王將加元服周公
使人來零陵取文竹為冠

認都人

之緇撮

詩曰彼都人士臺笠緇
撮注云緇撮緇布冠

見野夫之草服

禮曰黃
衣黃冠

而祭息田夫也野夫
黃冠黃冠草服也

從楚莊之好

淮南子曰楚莊王好
莊冠楚國恊之注曰

莊冠今力士

笑夫差之欲

穀梁曰哀公會晉侯吳子於黃池吳王夫差曰好冠來孔

冠胡无切

子曰夫差未能言冠而欲冠也

魏牟之諷敗緹

桓子新論曰魏

注云不知冠有差等唯欲好冠

牟見趙王王方使冠工制冠於前問治國於牟對曰大

王誠能重國若此二尺緹則國治且安王曰社稷至重

而此之二尺緹何也牟曰大王制冠不使親近而必求

良工者非為其敗緹而冠不成歟今治國不求良士而

任其私愛此非輕國於二

王斗之言愛穀

戰國策曰王斗謂齊王曰

尺緹之効耶王無以應

王之愛國愛民不若王愛尺穀也王曰何謂斗曰王使

人為冠不使左右使辟而使工者何也為能之也今王

治齊非左右使辟無使也

及有練纓麻冕

尉繚子曰天子玄冠玄纓

臣故曰不如愛尺穀也

諸侯素冠素纓大夫以下練冠練

瓊弁金顏

晉成公綏七唱曰瓊

纓論語曰麻冕禮也今也純儉

升曜首玉纓照軀徐受擇辭曰
通天冠金博山蟬謂之金類

宦者四星咸加於巧士

漢輿服志曰巧士冠高七寸不常服唯郊天黃門從
官四人冠之在鹵簿中次乘輿車前以備宦者四星舞

人八佾並戴平方山

三禮圖曰五采方山冠各以其采
穀為之祠廟天子八佾樂五行舞

人所服

愛此附蟬

蔡邕獨斷曰侍中中常
侍皆冠惠文加貂附蟬

鄙夫聚鵠

左傳曰鄭

子臧好聚鵠冠鄭伯使盜誘而殺
之君子曰服之不衷身之災也

范子但言於求貨

左傳

曰范獻子求貨於叔孫使請冠焉取其冠法
而與之兩冠曰盡矣注請貨以求冠為辭

許子未聞

於自織

孟子曰陳相言許行之道於孟子曰滕君雖賢
未聞道也賢者與民並耕而食今滕有倉廩府

庫則是厲民以自養也孟子曰許子冠乎曰冠素曰自
織之歟曰以粟易之曰許子奚為不自織冠何為紛紛

然與百工交易也曰百工之事固不可耕
且為也曰然則治天下者獨可耕且為與
陳思之願武

弁

魏志曰陳思王植上疏曰臣若得辭遠游
戴武弁解朱組佩青綬乃臣之至願也

御史之簪

白筆

見筆賦
託白
識於辛昆注

皆所以表成人之義盡文章之飾也

事類賦卷十二

欽定四庫全書

事類賦卷十三

宋 吳淑 撰

服用部

弓

昔聖人弦木為弧剡木為矢

出易

故天下以服而萬民以

治若乃六材七幹之妙

周禮曰弓人為弓取六材必以其時六材既聚巧者和之幹也

者以為達也角也者以為疾也筋也者以為深也膠也者以為和也絲也者以為固也漆也者以為受霜露也

凡取幹之道七拓為上穩次之壓桑次之楠次之木
瓜次之荆次之竹為下注穩於力反壓桑山桑也

三

鈞九和之美

周禮曰材美工巧為之時謂之參鈞角不勝幹幹不勝筋謂之參鈞量其力又參鈞

鈞者三謂之九和注又參鈞者謂若幹

著以角端

說文曰角

勝一石加角而勝二石被筋而勝三石

觸獸狀似豕角善為弓出胡尸國觸音端續漢書曰

飾

鮮卑有野馬原羊角端牛以角為弓世謂之角端弓

之象弭

詩曰四牡翼翼象弭魚服注弭弓反末象骨為之

繡質良材

陳琳武庫賦曰弓則

鳥號越棘繁弱角端

鳥號徑理

史記曰黃帝騎龍上天小臣不得上悉持龍髯

髯拔墮墮黃帝之弓百姓望黃帝抱其弓而號後世因

名其弓曰鳥號古史考曰鳥號拓木枝長而鳥集將飛

拓彈鳥鳥乃號呼以

或為備盜之用

天文要集曰張者備盜賊

或著

拓為弓因名鳥號

為箕之旨

禮曰良工之子必學為箕

賞功有形旅之賜

書曰平王錫晉文侯彤弓

一彤矢百旅

射遠著往來之體

周禮曰司弓矢掌六弓四弩八矢之法注曰六

弓王矢夾庾唐大也往體寡來體多曰王張往體多來體寡曰夾庾往來體若一日唐大射遠者用勢射深者

用得繁弱於封父

左傳曰周公相王室以尹天下於周為睦分魯公以大路大旂夏后氏之

璜封父之繁弱注封父古諸侯繁弱大弓

用桃弧於楚子

左傳曰楚靈王次于乾谿右尹子革

夕王與之語曰昔我先君熊繹解在荆山算路藍縷唯是桃弧棘矢以供禦王事

爾其仰高舉

下之道

見天賦張弓之道注

執弣承弣之儀

見上禮標垂悅注

或創其始

於雋羿

孫卿子曰雋作弓墨子曰羿作弓

或傳其本自般揮

山海經曰少昊生般

始為弓矢注般音班世本曰牟夷作矢揮作弓弓
矢一器作者兩人於義有疑此言般作之是也
初觀

宛轉之形翩其反矣

淮南子曰宛轉弓今之弭弓也又
鄴中記曰石虎女騎持雌黃宛轉

角弓詩曰驛驛
角弓翩其反矣

乍得穹隆之狀受言藏之

釋名曰弓穹
也穹隆然也

詩曰彤弓
兮受言藏之

若夫縶弧嘗見於亡周

國語曰周宣王時
有童謠縶弧箕服

寶亡周國有夫婦鬻是器者王執而戮之乃奔褒得棄
女子於野而養之是為褒姒卒以亡周注云箕音期木

名服
矢簡
大屈亦聞於賜魯

左傳曰楚子享魯昭王于新臺
使長鬣者相好以大屈既而悔

之注大
屈弓名

綦連四豐

三國典畧曰齊綦連猛有勇力梁使
來聘有武藝人求欲相角猛帶兩鞬

左右馳射併取四弓
疊而挽之梁人嗟服

陳球千步

漢書曰陳球為零陵州
兵朱蓋等反球城守強

大木為弓，羽為矢，引機發之，射千餘步，斬莖等。

招虞人而不進

左傳曰：齊景公田於沛，招

虞人以弓，不進。公使執之，辭曰：「旌以招大夫，弓以招士，皮冠以招虞人。」臣不見皮冠，故不敢進。

倭齊宣

而寧悞

呂氏春秋傳曰：齊宣王好射，悅人之謂己能用彊弓也。其常所用弓，不過三石，以示左右。左右

引之及半而止，皆曰：「不下九石，非王孰能用？」是宣王所用，不過三石，而終身自以為九石，豈不悲哉！非直士其孰能不阿主，故亂國之主。若其晉平七札，列女傳曰：晉悉存乎用三石為九石也。平公使工人

若其晉平七札

平公使工人

為弓三年，乃成。射不穿一札，公怒，將殺之。其妻見，公曰：「夫造此弓，亦勞矣。」幹生太山之阿，一日二觀陰，三親陽，傳以燕牛之角，纏以荆麋之筋，附以河魚之膠，此四者，天下之選也，不穿一札，是君不能射也，而反欲殺妾之夫，不亦謬乎？」妾聞射之道，左手如拒，右手如附枝，右手發之，左手不知，此射之道也。公以其言為儀，而穿

七札弓工得出賜金三鎰注札顏高六鈞左傳曰魯伐齊士皆坐列

鎰札也燕角善楚筋細河膠粘顏高之弓六鈞皆取傳麟膠分棘竹楊師道奉和詠弓詩曰霜重麟膠勁

而觀之注三十斤為鈞風高月影圓鳥飛隨帝輦鴈落逐鳴弦沈懷遠南越志曰宋昌縣有棘竹長千尋里人取之以為弓焉燕

角兮楚筋

列子曰紀昌學射於飛衛飛衛曰爾先學不瞬而後能又使視小如大紀昌縣虱於牖南

而而望三年之後如輪乃以燕角之孤翹達之簳射之貫虱楚筋見上尹襄之問都至左傳

曰晉楚戰於鄢陵都至三遇楚子之卒見楚子必下免宵而趨風楚子使工尹襄問之以弓杜預注曰問遺也

朱穆之呵虎賁

謝承後漢書曰朱穆為尚書歲初百官朝賀有虎賁當階置弓於地謂羣寮曰

此天子弓誰敢干越百寮皆避之穆呵之曰天子之弓當戴之於首上何敢置地大不敬即收虎賁付獄治罪

衆皆肅然服之則有韜於鞬韞之衣說文曰韜弓衣也禮曰帶以弓韜詩曰交韞二弓

加以金玉之飾

爾雅曰有緣者謂之弓無緣者謂之弭以金者謂之銳以蜃者謂之珣以玉者

謂之圭注有緣今宛轉弓無緣今角弓銳珣珣者以金珩玉飾弓兩頭因以為名珣音暹

或重男子

之事

禮曰男子生以桑弧蓬矢六射天地四方注天地四方男子所有事也

或小楚人之

得

家語曰楚共王出遊亡其烏號之弓左右請求之王曰止也楚人失弓楚人得之又何求焉孔子聞之曰

惜乎其不大也宜曰人遺弓人得之而已何必楚也

賀以屈盧

史記曰子貢說越王以兵從吳伐齊

越王乃使人奉屈盧之弓步光之劍以賀

並茲越棘

禮曰越棘大弓天子之戎器也

盡高鳥

而見藏

史記曰漢高祖擒韓信曰高鳥盡良弓藏敵國滅謀臣亡天下已定固當烹

射太陰

而救蝕

周禮曰度氏掌射國中_之妖鳥若不見其鳥獸則以救月之矢夜射之若其神也則以太陰之

弓與杜夫射之注妖鳥象鸛惡聲之鳥也救日蝕則伐

鼓北向射太陰救月蝕則伐鼓南向射太陽以此弓矢

射之爾其東明擊水魏畧曰北方有橐離之國其王侍婢

下故我有身後生太子王捐之於溷中猪以喙噓之徒

馬閏馬以氣噓之王疑以為太子今其母收畜之名曰

東明常令牧馬東明善射王恐奪其國欲殺之東明走

南至奄水以弓擊水魚鼈浮為橋東明得渡魚鼈解散

追兵不得渡東明混填賁船吳時外國傳曰扶南之先

因都王夫餘之地混填賁船吳人為主名柳葉有模扶

國人字混填好事神神感至意夜夢之賜神弓一張教

載賈人舶入海混填入廟神樹下得弓便載大船入海

神迴風令至扶南柳葉欲刳取之混填舉神弓

而射馬貫船通渡柳葉懼伏混填因王扶南

必麻筋

而楊幹

劉向說苑曰齊攻魯子貢見哀公請救於吳公曰奚先君寶之用子貢曰使吾用寶而與我師

是不可恃也於是

以宣金弧而玉弦

見舟賦豈用瓊艘注

二十石

揚幹麻筋之弓六往

獨有羊侃

梁書曰羊侃臂力絕人所弓至二十石馬上用六石

三百斤兼聞蓋

延

東觀漢記曰蓋延彎弓三百斤又曰祭彤貫三百斤弓

青檀既其勁利

通甲開山圖曰

河東有獨頭山多青檀可以為良弓

綠沈亦復精堅

廣志曰綠沈古弓名劉劭趙都賦曰其器

用則六弓四弩綠沈黃間堂漢魚腸丁令角端

極妙理於九合

周禮曰天子之弓九合而成規

諸侯七合而成規大夫五合而成規士三合而成規注材良則句少也

窮精思於三年

見上

晉平七

亦有麻林之造

越絕書曰麻林山句踐欲伐吳種麻為弓弦

挹婁之

美

魏志曰抱婁弓長四尺力如弩矢用猪長尺八寸青石為鏃古肅慎國也

嘉此陽聲

周禮曰凡

相幹欲赤黑而陽聲赤黑則響心陽聲則速振

寶茲上制

周禮曰弓長六尺有六寸謂之上制上士

服之六尺有三寸謂之中制中士服之六尺謂之下制下士服之

詩著載橐

詩周頌曰載戰

干戈載橐 禮標垂幌

禮曰凡遠人弓者張弓尚筋弛弓尚角右手執簫左手承弣尊卑垂幌注

幌佩巾也 摺則佩垂

徐偃之受禎祥

博物志曰徐偃王治其國仁義著聞欲舟行上國乃

通溝陳蔡之間得朱弓矢以己得天瑞自稱徐偃王

太宗之詢脉理

唐書曰太宗謂蕭瑀曰朕

少好弓矢自謂能盡其妙遂得良弓十數以示弓工乃曰本心不正脉理皆邪弓雖剛勁而遺箭不直非良弓也朕以弧矢定四方使弓多矣有天下之日淺得為治之意故未及於弓弓猶矢之何況於治乎自是遂延京

官五品以上更宿中書內
省詢訪政教之得失焉

至若號以推亡

春秋佐助期曰大弓主弓

弩之張神
名推亡

名之曲張

河圖曰弓神名曲張亦見太公兵法

倚於西序

儀禮曰射

告賓曰弓矢既具有司請射賓
與大夫弓倚於西序矢在弓下

寶在東房

書曰和之弓在東房

或

插於雕服

鮑照詩曰穗帶佩雙鞬象弧插雕服

或掛以扶桑

宋玉大言詩曰彎弓掛扶

桑長劍倚天外

故大侯既抗

詩曰大侯既抗弓矢斯張

我弓既張

詩云既張我弓既挾

我矢發彼小紀殪此大兕

則見其威儀棣棣而射矢斯臧

詩曰射則臧兮

箭

若夫勾越之簳

亢倉子曰勾粵之簳鏃以精金鷲隼為之羽以之括箠則其與槁朴也無擇及

夫邊寇爭衡觀武決勝加之駭弩之上則三百步之外不立敵矣

會稽之美

爾雅曰東南之美者

有會稽之

寶東房之垂竹

書曰垂之竹矢在東房

藏陳庭之楛矢

國語曰仲尼在陳有隼集於陳侯之庭而死楛矢貫之石弩矢長尺有咫陳惠公使人以隼如仲尼之館問之仲尼曰隼之來也遠矣此肅慎氏之矢也昔武王克商通遼於九夷八蠻使各以其方賄來貢無忘職業於是肅慎貢楛矢石弩以分太姬虞公而封諸陳君若使有司求諸故府其可得也使求之金櫝如言

耿恭

傅毒

續漢書曰匈奴破離後王安得攻金蒲城耿恭以毒藥傳矢傳語匈奴漢家箭神中其瘡者必有異

因發弩射之虜中矢者視瘡皆沸並大驚相謂曰漢兵神真可畏也遂解去

郎基剪紙

北齊書曰

郎基字世業嘗征西為賊所圍糧杖皆盡乃削木為箭剪紙為羽得圍散還朝僕射楊愔勞之曰卿本文吏遂

有武畧創木紙羽皆無故
事班墨之思何以過之

飛衛見困於甘蠅

列子曰飛衛學射於

甘蠅諸法並善唯嚙法不教衛密持矢以射蠅
蠅嚙得鐵矢還射衛遠樹而走矢亦遠樹而走

由基擅

能於呂錡

左傳曰呂錡射恭王中目王名養由基與之兩矢使射呂錡中項伏弦以一矢復命

爾

其夏服忘歸之已作

子虛賦曰左烏號之彫弓右夏服之勁箭新序曰楚王戴繁弱之弓

志歸之矢以射隨兕於夢也

三鏹八法之既修

開元文字曰三鏹謂今箭射箭也平題今

戲射箭也鏹後也題頭也周禮曰司弓矢掌八矢之法
一日枉二曰紫三日殺四曰鏹五曰鏹六曰第七日恒

八曰庫九曰枉紫利火射用諸守城車戰殺鏹用諸近射
田獵鏹第用諸弋射恒庫用諸散射此八矢者弓弩各
有四焉枉殺鏹恒弓所用也
也紫鏹第庫弩所用也

捨之如破

詩曰不失其馳捨矢如破

束之

其搜

詩曰角弓其棘束矢其搜
注搜衆意五十矢爲束

中肩兮夾脰

左傳曰齊師適晉州

綽及之射殖綽中肩

貫轂兮沃鞬

左傳曰楚子與若敖戰伯棼射王沃鞬以

兩矢夾脰脰脰也

貫轂轂王使逆師曰吾先若文王克息獲三矢焉伯棼

竊其二盡於是矢鼓而進之遂滅若敖氏注沃鞬也音

逸

或迴船而受敵

見舟賦孫權迴之而受箭注

或緣水以相求

朱循之傳

曰魯秀擊襄陽連弩亂發

則有魯莊僕姑

左傳曰魯莊公以金僕姑

循之使軍人緣水拾箭

射南宮長萬

鴻超綦衛

列子曰蓬蒙之弟子曰鴻超怒其妻而怖之引鳥號之弓綦衛

之箭射其目注眸子而睢

關公中之而刮骨

蜀志曰關公爲流矢

不曉矢墜地而塵不揚

所中貫其左臂醫曰矢鏃有事當須刮

項羽叱之而墜

骨即伸臂與之醫破肉刮骨而公自若

地

漢書曰婁煩射項羽弓發矢欲到羽怒目叱矢矢墜地婁煩亦恐死

至於飛鳧電影

公太

六韜曰陷堅陣敗強敵大黃參連弩飛鳧電影矢自副注飛鳧亦蓮白羽以銅為之首電影青莖赤羽以銅為

首

毒鐵焦銅

博物志曰交州山夷曰狸子其弓長數尺以魚銅為鍤塗毒藥於鍤鋒中人即死不

時飲藏則須臾焦煎都盡唯骨在耳其俗誓不以藥法語人治之飲婦人月水及糞汁時有差者唯射猪犬者

無他以其食糞故也陳琳武庫賦曰矢則中息肅慎箇路空流焦銅毒鐵薛鐵鳴銀

取董澤而寧

既

左傳曰晉楚戰楚熊負羈因智營智莊子以其族反之尉武子御每出抽矢蔽納諸厨子之房武子怒曰

非子之求而蒲之愛董澤之蒲可勝既乎注智營莊子之子也蔽好箭也側留反房箭舍蒲楊柳可以為箭董

澤在閭

採蒲臺而欲空

三齊畧記曰厭次東南有蒲臺秦始皇嘗頻臺下紫蒲繫馬至

今蒲生夾道百步蒲似水楊而動堪為箭

或有蓬桑共施

禮曰男子生設弧於門左三日始負

男子射射人以桑弧蓬矢六射天地四方注桑弧蓬矢本太古也天地四方男子所有事

彤旅並錫

見弓賦賞功有彤旅之錫注

圉人既見於浴馬

禮曰乘丘之役縣實父御馬奔敗績實父

死之閭人浴馬有流夫在白肉公曰非其罪也遂諫之

漢將方驚於射石

見虎賦李廣射

石或以勉由也之學

家語曰子路見孔子子曰何好對曰好長劍子曰以子所能加之以

學豈可及乎曰南山有竹不扶自直斬而用之射達於屏草以此言之何用學為子曰括而羽之鏃而礪之其入不益

或以比史魚之直

論語曰子曰直哉史魚邦有道如矢邦無道如矢

喻

隨人而侯景能言

後周書曰賀拔岳遇害於河曲太祖率輕騎馳赴平涼時葬神武遺長史

侯景招引岳象太祖至安定遇之謂景曰賀拔公雖死
宇文泰尚存卿何為也景對曰我猶箭耳隨人所射安
能自裁於
譬弦上而陳琳見釋
魏志曰陳琳為袁紹作
是即還

曰卿昔為本初作書但可事狀族而已何乃
上及祖父琳曰矢在弦上不可不發乃敕之
至夫威號

天策

唐書曰太宗討劉黑闥於肥鄉有一突將勇壯絕
人直衝太宗刃將接太宗以天策上將大箭射之

中心洞背應弦而斃遂傳此
神名續長
太公兵法曰箭
箭於北藩突厥見而驚歎

射丁侯而則病

太公金匱曰武王伐殷丁侯不朝尚父
責丁侯三旬射之丁侯病遣使請臣尚

父乃以甲乙拔頭箭丙丁拔目箭戊己拔腹箭庚
辛拔足箭丁侯病乃愈四夷聞皆懼越裳獻白雉
異函

人之恐傷

孟子曰矢人非不仁於函人函
人惟恐傷人矢人惟恐不傷人

魯連之下聊

城

魯連子曰燕伐齊取七十餘城田單破燕軍復齊城唯聊城不下魯仲連乃為書著之於矢以射城中燕

將得書泣三

日乃自殺

安子之備晉陽

韓子曰智伯將伐趙趙襄子召張孟談問之曰奈無

箭何孟談曰董安子之治晉陽也公宮之垣皆以荻蒿

楮楚厲之發而用之有餘箭矣君曰奈無金何孟談曰

董子之治晉陽公宮令食之堂皆以鍊銅為

柱質發而用之有餘金矣荻蒿秋厲音牆

先驅既為

於無忌

史記曰魏公子無忌進兵擊秦秦軍解去遂救邯鄲趙王及平原君自迎公子平原君負糶矢

為公子先引注

居守仍聞於甯莊

見衣賦順序有文注

亦有高禡

祈子

禮曰玄鳥至之日以太牢祠於高禡天子親往后妃率九嬪御禮天子所御帶以弓韜授以弓矢於

高禡之前注然以施生時來集堂宇而子乳產育之象

謀氏之官以為候變謀言禡神之也餘義見春賦祀高

稭

夏官獻箠

周禮曰司弓矢仲秋獻矢箠注箠威矢器獸皮為之

翫彼鵲尾

魏百官名

曰三公拜日賜鵲尾鵲尾
翮箭十二枚翮許六切

重茲金鏃

爾雅曰金鏃翮箭謂之鏃骨鏃不

翮謂之志注金鏃今鉅箭也骨鏃今骨髀
不翮謂以鳥羽自然淺狹不復翮也髀音電

李陵兵盡

而徒手

漢書曰李陵擊匈奴一日五十萬矢皆盡
虜攻急陵歎曰復人得數十矢足以脫矣

隗囂

勢窮而發屋

漢書曰來歙擊隗囂
守洛陽發屋斲木為箭

張侯既言於賈肘

左傳曰晉與齊戰卻克傷流血及屨不絕鼓音曰余病
矣張侯曰自始合而矢貫予手及肘余折以御左輪朱

綬宜敢言病
吾子思之

顯達更欣於拔目

齊書陳顯達傳曰顯達
出杜姥宅大戰破賊矢

中左眼拔箭而鐵不出地黃村潘姬善禁先以釘釘
柱姬為步作氣釘即時出乃禁顯達目中鐵出之

白

猿擁樹以長號

韓子曰楚王有白猿王自射之則搏矢而嬉戲使養由基射之調弓矯矢未發

而猿擁樹號矣

神女銜冤而晝哭

吳苑曰永陽李增行經大谿兩蛟在水引弓射之中一則

死增歸因復出市有女子素服銜涕持所射箭增怪而問焉女答曰何用問為若是君物便以相還授矢而滅

增反未達家暴死於路

翦蒿楮以無餘

見上安于備晉陽注

伐淇園而未足

續漢書曰上拜寇恂河內太守移書屬縣講兵肆射伐淇園之竹治矢百餘萬

至其麗龜以獻

左傳曰晉楚戰樂伯致師晉人逐之左右角之樂伯左射馬而右射人角不能進矢一而已康輿於前射麋麗

龜注麗著也龜背之隆高者

策馬言歸

左傳曰孟之側後入以為紛駸抽矢策馬曰馬不進也

然雨集

漢書曰左賢王國李廣失下如雨漢兵死者過半

郊爾虹飛

諸葛子曰若能力象

三人身與馬如膠漆手與箭如飛虹誠宜寵異

中楯瓦以猶勁

左傳曰齊子淵捷從泄聲子射

之中楯瓦錄胸汰轉七入者三寸注无楯脊也胸車輓軸車轅汰激也七矢鏃胸音勅汰音滋

穿楊葉

以無虧

梁昭明太子弓矢贊曰弓用筋角夫用良工亦以勸德非止臨戎揚業命中爰墮長空

飲

石梁而已絕

閔子曰宋景公使弓人為弓三年而獻之曰臣之精盡於弓矣獻弓而歸三日而死

公張弓登虎圈之臺東面而射矢踰西霜之山集彭城之東其餘力逸勁猶飲羽於石梁夫盡精於一弓而身為之死况天下奈何其獨也

定天山而更奇

唐書曰薛仁貴破鐵勒之衆於天山時九姓之

衆十餘萬令騎數人逆來挑戰仁貴發三矢射殺三人自餘一時請降軍中歌曰將軍三箭定天山戰士長歌

入漢
斯聖人剡木之利亘萬古而申威

見弓賦弦木為弧注

劍

昔雷煥既得豐城之寶劍致其一於張華

晉書曰斗牛之間常有紫

氣華聞雷煥妙造象緯問之煥曰寶劍之精在豫章豐城即補煥豐城令到縣掘獄屋基得一石函光氣非常中有雙劍以南昌西山土拭劍光芒豔發送一劍與華留一自佩華得劍報曰詳觀劍文乃干將也莫耶何為不至雖然神物終當合耳華又以華陰土勝西山者乃以一斤致煥煥以拭劍倍以精明其後煥子華佩煥劍過延平津劍忽躍入水煥使人沒水求之見兩龍恐而返
且言曰自葛盧發金蚩尤

造始

見金賦汝漢之笑注

竭楚鐵之利

史記曰秦昭王臨朝歎息范雎請罪王曰吾聞楚之

鐵劍利而倡優拙鐵劍利則士勇倡優拙則處遠以遠處御勇士恐楚之圖秦也

涸齊金之美

國語曰齊桓公問管仲曰齊國寡甲兵奈何對曰小罪
誦以金美金以鑄劍戟試諸狗馬惡金以鑄鋤夷試諸

土壞中
兵大足
淬以清波斂之越砥
張協太阿劍銘曰太阿之劍世載其美淬以清波斂

以越
煜若流星
古今注曰吳大帝有寶劍六曰白虹紫電辟邪流星青冥百里
湛如照

水
梁吳均寶劍詩曰我有一寶劍出自昆吾難照人如照水切玉如切泥
斯乃羊頭精利

張景陽七命曰邪難之銀赤山之精銷
水心靈秘
見春

踰羊頭鑊越銀成注云以羊頭骨銷之
七彩九華之飾
西京雜記曰高祖斬蛇劍以七

邑注
龜文龍藻之麗
魏都賦曰劍則流彩之珍

刃上常如霜雪光景照外
陽文陰縵之奇
見下豐隆
紫電白虹之

素質之寶虹蔚
波映龜文龍藻
奮推注

異

見上學若流星注

雖曰一人之敵

漢書曰項羽學劍不成乃曰劍一人敵不足學學萬

人敵

且應八方之氣

拾遺記曰越王句踐以白牛白馬祝昆吾山神以成八劍應八方之

氣一名掩日以之指日日先晝暗二曰斷水晝水開即不合三曰轉魄指月蟾兔為之倒轉四曰懸剪飛鳥觸其刃如斬截焉五曰驚蛇以之沉海鯨鯢深入六曰滅魂挾以夜行不遇魑魅七曰却邪妖魅見之則止八曰真剛切玉斷金如削土木

故三賢所以受賜

後漢書曰韓稜為尚書令與僕射鄧禹尚書陳

寵同時俱以才能稱肅宗嘗賜諸尚書劍唯此三人特以寶劍自手署其名曰韓稜楚龍象鄧禹蜀漢文陳寵濟南推成時論者以稜淵深有謀故得龍象壽明達有文章故得漢文寵敦朴善不見外故得推成

而君

子所以自衛也

家語曰子路戎服見孔子拔劍舞之曰古之君子以劍自衛子曰古之君子忠

以為質仁以為術不善則以忠化之寇暴
則以仁禦之何必恃劍子路攝齊受教

茂先見之覆

然而驚曰此蓋邪谿之粹

見上羊頭
精利注

赤董之精

見下薛
燭之鑒

注

傾秦去吳之異

張景陽七命曰或馳名傾秦或夜飛
去吳注吳王有湛盧劍王無道劍夜

飛去入水楚王得之秦王聞之
求而不得興師擊楚卒不與也

五山六合之英

吳越春
秋曰干

將作劍採五山之精合六合
之英煥天伺地陰陽同光

純鈞湛盧之器豪曹巨闕

之名

吳越春秋曰越王允常聘歐冶子作名劍五枚三
大二小一日純鈞二曰湛盧三曰蒙曹或曰磐郢

四曰魚腸
五曰巨闕

掩三鄉而擅價

張景陽七命曰彤霞薛燭光
駭風胡價兼三鄉聲重兩都

敵千戶以騰聲

梁崔融詠劍詩曰寶劍出昆吾龜龍夾
彩珠五指初獻術千戶竟論都匣氣衝

斗牛山形轉鹿盧欲知天下貴持此問風胡

定光既聞於太甲

陶弘景刀劍錄曰太甲以

甲子歲鑄一劍文曰定光

照膽仍傳於武丁

刀劍錄曰武丁以戊午歲鑄一劍名曰照膽

兵動則飛

拾遺記曰顯頊有畫影劍騰空劍若四方有兵此則飛指其方故戰則剋未用時在匣中

常如龍虎吟

月蝕而成

漢書曰御史大夫蕭望之案左馮翊韓延壽前在東郡時取官銅物候月

蝕作刀劍鉤鐔故效尚方延壽坐腰斬

顧此神物終當合并

見上雷煥得豐城之寶劍

注

然則薛燭之鑒

吳越春秋曰越王允常聘歐冶子作名劍五枚以蒙曹示薛燭燭曰夫寶

劍五色今見蒙曹黯然無華頊其光芒其神亡矣示之巨闕薛燭曰非寶劍也夫寶劍金錫和同氣如雲烟今其光已離矣示之魚腸燭曰金精從理至本不逆今魚腸劍本從未逆理之劍也示之純鉤燭覆然曰恍乎如

屈陽之華沈沈如芙蓉始生於湖其文如列星之行其
先如水之溢塘此純鉤也王曰客有以鄉三十駿馬千
匹十戶之都二賈此劍可乎薛燭曰不可臣聞初造此
劍赤堇之山破而出錫若耶之谿澗而出銅兩師灑道
雷公發鼓天帝紫炭太一下觀示之湛盧燭曰善哉街
金鐵之英此銀錫之精可以折衝伐敵人君有逆謀則
去之他國先常以湛盧獻吳吳公子先裁吳王僚湛盧
去如楚昭王寤而得之召風胡子問之此劍值幾何對
曰赤堇之山已合若耶之谿深而不測尋神上天歐冶
已死雖傾城量金珠玉滿河不借一觀況駿馬萬戶之
都乎

歐冶之作

見上純鉤
湛盧注

桃氏靡差於廣狹

見下周官
列三制

質

氏尤工於灑削

漢書曰質氏以灑削而
鼎食注灑削治刀劍也

越女擊猿之妙

吳越春秋曰范蠡謂越王曰越有處女出於南林之中
願君問以手戰之道女將見道達老人自稱袁公曰聞

子善為劍顧一觀之因拔竹林女即拔其木公操其本而女因舉杖擊之袁公飛上樹變為白猿女去見越王

王命五校之高才習之當此之時皆稱越女劍
昔子試人之虐
左傳曰昔子庚與虐而好劍苟

鑄劍必試諸人大夫
至於採牛頭之鐵
刀劍錄曰孔甲為存帥國人以逐之甲辰歲採牛頭

山鐵鑄一劍
獲汲郡之銅
山海經注曰汲郡冢中得銅長四尺一寸劍一枚長三尺五寸所謂干

將也
利能切玉
列子曰周穆王征西戎西戎獻昆吾之劍赤刃切玉如切泥
銘聞刺鐘

見下攝履
既鎮山而沈水
刀劍錄曰後魏道武帝鑄二劍一名曰鎮山一名曰沈水

亦斷犀而截鴻
曹植七啟曰陸斷犀象未足稱為隨波截鴻水不漸刃
佩北斗之

寒星
吳越春秋曰伍子胥過江解劍與漁父曰此劍中有七星北斗文其直百金
伐南山之

茂松

列仙傳曰干將莫耶為晉君作劍三年而成劍有雌雄天下名器也乃以雌獻君留其雄者謂其妻

曰吾藏劍在南山之陰北山之陽松生石上劍在其中矣君若覺殺我爾生男以告之

詠宋王之

詞倚於天外

宋玉大言詩曰攀弓挂扶桑長劍倚天外

登王喬之墓停在空

中

世說曰王子喬墓在京陵戰國時人有盜發之者都無所見唯有一劍停在空中欲進取之劍作龍鳴虎

吼徑飛

上天

亦有改此纓纓

莊子曰趙文王喜劍太子悝患之莊子將往見太子曰吾王所

好劍士也皆蓬頭突鬚垂冠纓胡之纓短後之衣今夫子儒服事必大逆莊子乃治劍服王脫白刃以待之莊

子入曰臣欲以劍見臣之劍十步一人千里不留行王悅曰天下無敵矣子曰臣有三劍唯王所用天子之劍

則以燕銘石城為鋒齊岱為鐔晉衛為脊周宋為鐔韓魏為銑包以四夷裹以四時此劍直之無前舉之無上

接之無下此劍一用天下服矣諸侯之劍以智勇士為鋒以清廉士為鐔以忠信士為鐔以豪傑士為缺此劍一用四封之內無不服庶人之劍蓬頭突鬚垂冠纓胡之纓短後之服相擊於前今大王有天子之位而好庶

人之劍臣竊為大

王薄之王乃罷

鑄為農器

宋語曰願曰願得明王聖主而輔相之數其五教

教之以禮樂使城郭不修溝池不

越鑄劍戟為農器放牛馬於原藪

或刻漢平之名

刀劍錄曰

漢平帝術掘得一劍

上有帝名故佩之

或鐫魏武之字

刀劍錄曰魏武帝嘗於谷中得一劍

有金字銘曰孟

德王常服之

莊子之說趙文

見上改此

張陵之呵梁

冀

漢書曰梁冀帶劍入省尚書張陵呵叱令出冀跪謝陵不應因勅妻之詔以一歲俸贖罪

七見闌

子之美

列子傳曰有闌子者以數千束元君美七劍送贈之五劍常在空中

六聞衛綰之

賜

漢書曰孝景賜衛綰劍綰曰先帝賜臣劍凡六不敢奉詔上曰劍人之所施易獨至今手綰曰具在上使

取六劍高威未嘗服也

不可躍大治而自銜

莊子曰大治鑄金金躍曰我必為莫耶此

不祥之金也

唯宜絕重甲而稱利

張揖七命曰斷浮稱以

寒

暑兼華

梁簡文帝謝勅責方諸劍啟曰己匹丹陵之輝乍比青雲之制寒暑兼華左右相照

堅柔

異制

吳氏春秋曰相劍者曰白以為堅也黃以為柔也黃白相兼堅且柔良劍也難者曰白以為不柔黃

以為不堅黃白相雜不堅且不柔焉得為利劍劍之情未革而或以為良或以為惡說使然也

斯希代

之神兵佩服之巨麗也於是并華陰之主遺之而為詩

曰

見上霄煥得豐城之寶劍注

赤霄與步光

刀劍錄曰漢高祖初得一鐵劍長三尺名赤霄

即新蛇劍也曹植七政曰步光之劍華辟閭兼墨陽廣

藻繁縛紕以驪龍之珠錯以荆山之玉曰斷蛇魚腸純鈎燕支蔡輪屬鏤千勝棠谿墨陽並劍名也孫卿子曰干將莫耶巨闕辟閭皆古良劍也楚

子問風胡吳國得干將

見下白首嘗被指注

贏秦佩鹿盧

見琴賦荆軻攜

秦王

虎丘葬魚腸

越絕書曰閭閻冢在吳縣閭門外葬以盤邦魚腸之劍葬三日白虎居上

號曰

陸賈百金重

漢書曰陸賈使南越得橐中裝價千金分其五子子二百貲常乘安車駟

馬從歌鼓瑟侍者十餘人寶劍劍直百金謂其子曰過汝法給人馬酒食極飲十日而更所死家得寶劍

高

皇三尺長

漢書曰高祖擊隳布為流矢所中問醫醫曰病可治高祖曰吾提三尺劍取天下非命乎

命在天雖

魏傳飛景制

魏文帝典論曰魏太子丕造百辟寶劍長四尺二寸重一斤十

有五兩淬以清漳礪之礪礪飾以文玉表以通犀光似流星名曰飛景礪礪青礪石也音監諸漢應天

橫祥

刀劍錄曰漢文鑄三劍名曰神龜多刻龜形以應大橫之兆

佩牛化已遠

漢書

遂為渤海太守務農勸人賣劍買

守路德彌臧

先賢行狀曰王

牛賣刀買橫曰何佩牛戴橫手

烈字彥芳國中盜牛者主得之盜曰我邂逅遠感子既赦宥幸無使王烈知之烈聞以布一端遺之曰恥惡則善生故實之間年之中行路父老擔重人代擔行數十里頃之父老復行失劍於路有行人守之至暮劍主還見之前代擔人也父老以告烈乃昔盜牛人也

及寢嘗貽怒

見車賦楚子之及蒲胥注

倚

戶舊傳方

萬年街曰拔劍倚戶兒夜不驚

白帝號大澤

漢書曰高祖以亭長送徒驪山

夜經澤中有大蛇當道拔劍斷蛇蛇分為兩道間行數里醉因臥後人來者至蛇所有一嫗夜哭人問嫗何哭

嫗曰吾子白帝子也化為蛇當道為赤帝子殺之故哭人以嫗為不誠欲苦之因忽不見朱雲請尚

方

漢書曰成帝丞相張禹以帝師位特進甚尊重朱雲上書求見公卿在前雲曰今朝廷大臣上不能匡國

下亡以益民皆尸位素餐臣願請尚方斬馬劍斷佞臣一人頭以厲其餘上大驚問誰也對曰安昌侯張禹上

大虞公求不已

左傳曰初虞叔有玉虞公求旃弗獻既而悔之乃獻之公又求其寶劍叔曰是

無厭也無厭將宣帝意難忘

漢書傳曰宣帝既立許皇后為婕妤是時霍將軍小

女與皇太后有親公卿議立皇后皆心譏霍將軍女未有所言上乃詔求微時故劍大臣知指白立許后雷

煥繼而和之曰季札嘗心許

史記曰吳季札過徐徐君好季札劍口不敢言季札

知之為使上國未獻還至徐徐君已死乃解寶劍繫其冢樹而去從者曰徐君已死當誰予乎季子曰始吾心

已許之豈以

楊修曾見思

文士傳曰魏文帝愛楊修才

與帝帝佩之皆左

昭王投五岳

刀劍錄曰周昭王取

文

帝藏會稽

刀劍錄曰夏禹字高密以庚戌年鑄一劍藏

而記星辰

獲稻寧同

亢倉子曰靈景之劍威奪白日

也無擇注

攝履詎如錐

說苑曰干將莫耶劍鋒不銿

首嘗被指血流俄見揮

越絕書曰楚王令風胡子之吳

干將鑿茨山洩其鏐取鐵英為二劍一龍淵二太阿三

工市劍成晉鄭聞之求之不得晉師圍楚之城三年不

解於是引太阿之劍登城而麾之三軍破敗士卒遠感

能有精神乎風胡曰神農以石為兵黃帝以玉為兵
禹以銅鐵為兵天下皆服此亦銅鐵之神玉石之德

朱

虛一何壯

史記曰朱虛侯章急呂氏專權常侍呂后飲
宴高后使章為酒吏章曰臣將種請得以兵

法行酒高后可之酒酣章起舞曰請為耕田歌太后笑
曰汝安知田事試說之章曰深耕耨種植苗欲疎非其
種者鋤而去之高后默然有頃諸呂有亡酒者章追
拔劍斬之太后業已許章以軍法行酒無以罪也

項

莊徒爾為

漢書曰沛公自霸上從百餘騎見項羽於鴻
門羽因留沛公飲范增數目羽擊沛公羽不

應范增起出請項莊曰君王為人不思汝入以劍舞因
擊沛公殺之莊入為壽曰軍中無以為樂請以劍舞因
拔劍起舞項伯亦起舞常

鏢身有所就

吳越春秋曰干
將作劍未成乃

以身蔽翼高祖乃獲免

曰昔吾師之作冶也金鐵之類不消夫妻俱入冶爐之
中莫那曰先師親鏢身以成物妾何難也於是干將夫

妻斷髮剪指投之爐中使童女三百鼓棠葉炭金鐵乃
滿遂以成劍陽曰千將而作龜文陰曰莫耶而作鐔理
千將匿其陽出其

代形那可追

神仙傳曰真人去世多以劍代形五百年後劍

亦能屬鏤既受賜

左傳曰吳將伐齊越子率其衆以朝吳人皆喜唯子胥懼曰是蓀吳也王

怒使賜之屬鏤以死注屬鏤劍也

杜郵方見貽

史記曰秦昭王使白起攻邯鄲辭不肯行乃使

王翦代之而秦軍果敗起曰不聽臣計今如何秦王聞之怒免為士伍還之陰密行至咸陽西十里杜郵賜劍

自雋生佩櫓具

漢書曰暴勝之為直指使者巡郡國素聞雋不疑賢至渤海遣吏請與相見不

疑冠進賢冠帶櫓具劍威服至門上謁注曰櫓具木標首之劍也櫓謂磊落壯大

韓卒得棠谿

戰國策曰韓卒之劍出於棠山棠谿墨陽宛馮龍淵太阿皆陸斷馬牛水截鴻鴈天下名器也

騎士徒

公賜

東觀漢記曰世祖時國王有獻名馬寶劍直百金上以馬駕鼓車劍賜騎士

黑卵竟無

虧

列子曰魏黑卵以匿謀殺丘酈章也丘酈之子來丹謀復父仇而丹氣甚猛形甚露又恥假力於人誓以

手劍黑卵而黑卵力抗百人其視來丹猶鷄穀也來丹垂涕謀於友申抱申抱曰吾聞衛孔周其祖得殷之寶

劍三童子服之却三軍之衆莫不請為來丹過衛見孔周執僕禮請先納妻子後言所欲周曰吾有三劍唯子

所擇一日含光視不可見運之不知其所觸泯然無際經物而不覺二曰承影跡爽之交日夕昏明之際北面

察之淡淡焉若有物存莫有其狀其觸物也竊然有聲經物而物不疾三曰宵練晝則見影而不見光夜見光

而不見形其觸物騷然而過隨過隨合覺疾而不血刃此三寶傳之十三世矣而無施於事來丹請其下者孔

周乃歸其妻子跪而授其下劍丹再拜受之執劍從黑卵黑卵醉偃臥牖下自頸至腰三折黑卵黑卵醒怒其

妻曰醉而覆我使我噬疾而膝急注匿據私帳也驕贏也驕音休伯反無施於事不能害物也刻舟愚

已甚

見舟賦愚者既見求劍賦

斬蛟勇可奇

呂氏春秋曰荆有飲飛者得寶劍於江干涉江

至於中流有兩蛟夾其舟飲飛攘臂祛服拔劍赴江刺蛟殺之

新都推美玉

見玉賦王莽藏毒於

推城

馮石受文犀

東觀漢記曰馮石襲母公主封獲嘉為安帝所寵帝嘗幸其府留飲十數

日賜駿犀具劍紫艾綾玉珎各一

雷公為發鼓

見上薛燭之鑒注

豐隆方奮推

萬辟雖云就

張景陽七命曰乃佩乃鏐萬辟千灌豐隆奮推飛廉扇炭神靈化成陽文陰綬留綺

星連浮影艷發光如散電質如耀雪霜鏐水凝冰刃露結

千金持贈誰

呂氏春秋曰伍員逃楚楚

追之急至江見一丈人刺小船方將漁從之求涉焉文人刺船渡之已絕江問其名族不告員解劍以與之曰

千金劍也顧獻之大人友人曰荆國之法得伍員者爵執圭祿萬石金千緡豈直千金劍乎卒不受

張華

見之憊然心伏繹精理之沉邃翫驚采之繁縟客有挹此餘風過乎三復千載神交敢揚末曲乃系之而為歌

曰管涔輝五色

晉書曰前趙劉曜自以形質異衆恐不容於俗隱遯管涔山以琴書為事常夜

閒居二童子入跪曰管涔王使小臣奉謁趙皇帝獻劍一口置前再拜而去以燭視之劍長二丈光澤非常赤玉為飾皆有銘云神劍服御除衆毒

周官列三制

周禮曰枕

曜逆服之劍隨四時變為五色也

氏為劍身長五其莖長重九鈞謂之上制上士服之身長四其莖長重七鈞謂之中制中士服之身長三其莖長重五鈞謂之下制下士服之注莖長五寸在夾內者夾人所握鐔以上也鈞鎧也六兩有奇已服甘

蕉工

魏志曰文帝為太子時與鄧展飲酒論及劍術不決時方食甘蔗因以習之下殿教交三中其說

俄驚水精隆

梁書曰侯景篡位白虹貫日三重其夜月入太微掩帝座景所帶劍水精標無故墜

落隴西專斷割

晉書曰張軌鎮涼州遣主簿令狐亞聘南陽王模甚悅遣軌以帝所賜劍謂軌

曰自隴以西征伐斷割悉心相委如此劍矣

河內增獻欵

謝承後漢書曰吳郡張業字仲叔為

郡門下掾送太守歸鄉里至河內遇賊業拔劍與賊交戰而死子武時幼不識父喪不還每至節日持業遺劍

至河內到業死處酹祭悲哀感動路人

周瑜嘗兼持

刀劍錄曰吳孫權赤烏中有人得韓信劍

帝賜**陶君方鍛冶**

刀劍錄曰梁武帝命弘景造神劍十三口以東閔月也

已荷孟

嘗恩

沈約為東宮謝勅賜孟嘗君劍啟曰田文重氣徇名四索莫及寶劍雄身故能威陵秦楚人高事遠

遺物足奇謹加玩
復感方諸賜
梁簡文謝賜方諸劍致
曰才發玉函彫奇溢目

始開牙檢
延平終化去
見上雷煥得豐
武庫俄焚弃
書

曰武庫火歷代之寶孔子履高祖斬蛇劍
王莽頭盡焚焉張華見龍劍排戶飛去
聊此續陽春

顧慙妍唱麗

事類賦卷十三

欽定四庫全書

事類賦卷十四

宋 吳淑 撰

服用部

几

几廢也所以廢物者也

出釋名廢閣也音軌

故吉事變几凶事仍

几

周禮曰春官司几筵吉事變几凶事仍几

或以見祭祀之典或以供饗射

之禮

周禮曰春官司几筵掌五几大朝覲大饗射封國命諸侯王位設左右玉几諸侯祭祀右彫几酢席

欽定四庫全書

卷十四

左形儿旬役熊席右漆
几喪事葦席右素几

喪偶既傳於南郭

莊子曰南郭子慕隱几而

坐嗒然似
喪其偶

不言仍聞於孟子

孟子曰孟子有欲為王留行者坐而言

不應隱几而卧客不悅曰弟子齊宿而後敢言夫子卧
而弗聽請勿復敢見矣孟子曰昔者魯繆公無人乎子

思之側則不能安其身子為長者慮而不及子思子絕長者乎長
不能安其身子為長者慮而不及子思子絕長者乎長

者絕子乎
注畫齊邑

若乃鵠膝狐躡之飾

語林曰任元褒為光祿
勳孫馮翊往詣之見門

吏憑几視之孫入語任曰吏几對客為不禮任便捶之
吏答云得罰體痛以橫木扶持非憑几也孫曰植木橫

施植其兩足便為憑几何
必狐躡鵠膝曲木抱腰

白玉青石之奇

漢書儀曰祭
天用玉几南

岳記曰衡山石
室有石牀石几

既拂以獻矣

禮曰獻几
杖者拂之

亦操而從之

禮曰

謀於長者必操
几杖以從之

或以致幽冥之召

異苑曰歷陽石秀之
刻見一人著平巾袴

褶語之云聞君巧侔匠刻几尤妙秦山府君相召秀
之自陳云劉政能造其人乃去數旬政果殞劉作几有

名遂以

或以紀訓誦之詞

國語曰左史倚相曰
倚几有訓誦之戒

內則嘗

聞於斂席

禮內則曰父母舅姑
坐御者舉几斂席

時令攸稱其養哀

禮曰八月

之節養哀
老授几杖

觀夫黃金之質

漢武內傳曰帝受西王母五
岳真形經履以黃金之几

雲紉之覆

拾遺記曰瀛洲南有金鑾之
觀中有寶几覆以雲紉之素

學重麟士

宋書曰沈

麟士以篤學為務
常憑素几鼓素琴

名推卓茂

東觀漢記曰光武拜故密
令卓茂為太傅封褒德侯

賜之
几杖撫之驚劉毅之亡

晉書曰司隸劉毅卒武帝撫几
驚曰失吾名臣不得生作三公

抵之見朱君之怒

漢書曰朱博遷琅玕守齊部舒緩養名右曹掾史皆移病卧故事二千石

新到遣吏存問致意乃起就職博奮髯抵几曰觀齊兒欲以為俗耶皆斥罷諸病吏至於黃帝垂

法

李尤几銘叙曰黃帝軒轅張華著銘張華倚几銘曰之智恐事之有闕作輿几張華倚几之設設而

不倚作器於荀瑩投之而怒士句

左傳曰晉侯會諸侯于相晉荀偃士句請

伐偏陽而封宋向戌荀瑩曰城小而固勝之不武弗勝為笑固請圍之弗克偃句請班師智伯怒投之以几出

于其間曰汝既勤君而興諸侯牽帥老夫以至于此既無武守而又欲易余臯曰是實班師不然克矣七日不

克必爾乎取呂布斫之而責陳登

見應賦飢而為用注爾其虎附

兩頭

會稽典錄曰葛仙翁憑白桐几學道數年白日登仙几化為白虎三脚兩頭往往人見之花攢

五色

鄴中記曰石虎所坐几悉漆彫畫皆為五色花

或斲棐以備用

晉書曰王羲之字逸

少嘗往門生家見棐几滑淨因書之真草相半後其父誤刮去之門生驚懊累日

或加綈以為

節

西京雜記曰漢制天子玉几冬則加綈錦其上謂之綈几公侯皆以木為几冬則以細罽為褰

戴勝

既見於王母

山海經曰西王母梯几而戴勝注梯謂憑也

草文仍傳於阮籍

竹林七賢論曰魏封晉文王王辭公卿皆當喻旨司空鄭冲馳使從阮籍求其文立待之籍時在袁孝尼家宿

醉扶而起書几板為文無所竄定乃寫付之

別有毛玠古風

魏志曰太祖為司空丞相毛玠

為東曹掾太祖平柳城頒所獲器物特以素屏風素憑几以賜玠曰君有古人之風故賜君古人之物

楊

彪舊德

續漢書曰魏文帝賜魏舒遜位

晉書曰魏舒以年老稱疾遜位

詔賜以几

杖不朝 吳王稱疾

漢書曰吳王濞稱疾不朝驗問不實文帝責問吳使使者曰察見淵

中魚不祥于是天

子賜吳王几杖 靈產以止足荷賜

吳均齊春秋曰孔子賜吳王几杖靈產授光祿大夫

覽止足之分不肯拜太祖以白麾毛扇素几遺之曰以君有古人之風故賜卿以古人之物

王冲以

尊大蒙賜

陳書曰王冲為太子少傅武帝以冲前代舊臣特申長幼之敬及即位益加尊大嘗從幸

司空徐度宅宴筵之上賜之以几

斯所以表王澤之褒崇優耆年於閒

適也

杖

夫杖者所以褒元老彰淑德

魏志曰文帝引漢太尉楊彪待以客禮賜之几杖詔

曰先王制几杖之錫所以賓禮黃耆褒崇元老也昔孔
光卓茂並以淑德年高受茲殊賜其賜公延年杖及鬲

几故六十杖於鄉七十杖於國禮王制曰五十杖於家六十杖於鄉七十杖於

國八十則有號以延年見上賜之朝直後漢書曰甄琛拜侍中以其衰

老詔賜御府杖朝直杖以出入也荷篠曾見於丈人論語曰子路從而後遇丈人以杖荷

篠子路問曰子見夫子乎丈人曰四體不勤五穀不分孰為夫子植其杖而耘吹火仍聞於太

乙拾遺記曰劉向於成帝之末校書天祿閣專精覃思夜有老人著黃衣植藜杖杖端吹火用以照向具說

開闢以前向因受五行洪範之文恐辭說繁廣向乃裂裳及紳以記其言至曙而去請問姓名答曰我是太乙

之精天帝聞金卯之姓有博學者下而觀焉乃出懷中竹牒有天文地圖之書以授之至向子歆從父受術亦

不語

若夫印竹之來大夏

史記曰張騫云臣前在大夏時見印竹杖蜀布問安得此

大夏人曰賈人往市之身毒身毒在大夏之東南數千里云

靈壽之出九真

廣志曰九真出

靈壽杖

金則有少千之侈

搜神記曰漢文帝微服懷金過魯少千少千拄金杖出應門

黎則有原憲之貧

莊子曰子夏乘大馬軒車不容巷往見原憲原憲杖藜應門

若其

刻塔狀新

塔寺記曰謝尚嘗夢其父告之曰西南有氣至冲人必死勿當其鋒建塔寺可禳未暇立

寺可杖頭刻作塔形見有氣來擬之尚如其言置杖左右果有黑氣冲尚家尚以杖指之氣即迴散闔家獲全

氣所經處數里無復子遺

飾鳩製古

續漢書禮儀志曰仲秋按戶比民年七十者授之玉杖杖端以

鳩為飾鳩不噎之鳥欲老人不噎

麟角既傳於劉向

劉向別錄有麒麟角杖

桃枝

亦聞於魏武

魏武帝與楊彪書曰今賜足下銀角挑枝一枚

投葛陂而遽化

神仙

傳曰壺公遣費長房歸以一竹杖與之曰騎此當還家以投葛陂中長房騎杖忽然如眠便到家以杖投葛陂

顧之乃青龍也

弃鄧林而自茂

見日賦棄杖聞于李父注

長房得之而靈變

神仙傳曰費長房欲求道而顧家憂壺公乃斷一青竹杖與長房身等使懸之舍後家人見以為繼死大小驚

哭遂殯葬之長房立其旁人無見者後長房歸家人不信長房乃發往日所葬竹杖猶存介象與之

而遐驚

神仙傳曰介象令人騎青竹自吳往蜀

則有賜於卓茂

見几賦名推卓茂注

錫以表逢

華嶠後漢書曰嘉平中素逢為三老錫玉杖

協楊沛之嘉夢

魏志曰周

宣為郡吏太守楊沛夢人曰八月二日曹公當至必與君杖飲以藥酒宣占之曰夫杖起弱藥治人病八月一

日黃巾必滅報糜竺之陰功拾遺記曰糜竺用陶朱計至時果敗賊

賑生恤死家馬廐旁有古塚夜聞泣聲尋之見一婦人訴云漢末為赤眉所害扣棺見剥乞襦衣自掩竺從其

言復見婦云君應遭火厄今以青蘆杖一枚長九尺報君衣冠之惠竺挾杖而歸後鄰人見竺家有一青氣如

龍蛇之形旬日火從庫起燒其珠玉十分遺一火盛之時見青衣童子十數人來撲火又見青氣如雲覆火上

火即滅聞負手於仲尼禮曰孔子早作負手曳杖逍遙於門歌曰泰山其頽乎梁木其壞乎

哲人其萎乎蓋逢掛錢於阮氏見錢賦或掛杖頭注山賓對巨源寢疾七日而卒

之目談載曰後魏邢巒字山賓嘗有疾策山桃杖昌邑帝問此何杖荅曰巨源杖太武諱燠故言焉

求積竹之製新序曰昌邑王徵為天子到榮陽買積竹荆杖二枚龔遂諫曰積竹荆杖者驕蹇少

年杖也大王奉誦武王踐阼之銘大戴禮曰武王踐阼杖之銘曰惡乎失道

於嗜欲相行鄉人飲酒之義論語曰鄉人飲酒杖者出斯出矣既執末

以為獻禮記曰獻杖者執末亦在函而當祭周禮曰伊耆氏掌國之大祭祀共其杖函

注老臣雖杖於朝事鬼則去之有司以函藏之既事乃授之仲尼制禮問之有貴賤

之差呂氏春秋曰孔子弟子從遠方來者孔子荷杖而問曰子之父母不有恙乎置杖而問曰子兄弟不

有恙乎故孔子以六尺之杖論貴賤之等辨親疎之義陸賈著書用之在傾危之

際新語曰夫居高者自處不可以不安履危者任杖不可以不固自處不安則墜任杖不固則顛是以聖人

居高處上則以仁義為巢乘危履傾則以聖賢為杖

扇

伊彼紉扇居然可珍象明月以常滿

徐幹團扇賦曰惟合歡之奇扇肇伊

洛之纖素仰明月以取象規圓體之儀度

發惠風而愈新

曹植九華扇賦曰隨皓腕以徐轉發

惠風之餘寒

或以紀羊孚之雪

世說曰羊孚作雪讚云資清以化乘氣以霏值象能鮮即

潔成暉桓齋遂以書扇

或以書柳惲之雲

梁書曰柳惲詩云亭泉木葉下隴首秋雲飛琅

玕王融見而嗟賞因書齋壁及所執白團扇

想王莽之屏面

漢書曰王莽有用方技待詔黃

門者或問以莽形貌待詔曰莽所謂鴟目虎吻豺狼之聲故能食人亦當為人所食問者乃告之莽誅滅待詔

而封告者後嘗翳雲母屏面非親近莫能見也注屏面即便面蓋扇之類也

思梁冀之擁身

續漢書曰梁冀作擁身扇則有介子辭祿列仙傳曰介推入介山從

扇何植居貧晉書曰植字元幹常以縛張敷纏哀於喪

母梁書曰張敷生而母亡數歲聞之雖童蒙便有感慕之色至十歲許求母遺物而散施已盡唯得一畫扇

乃絨錄之每至感思輒開筭流涕黃香顯名於侍親東觀漢記曰黃香

親塗修反影拾遺記曰周昭王時塗修國獻丹鵲夏至側取鵲翅為扇一名施風一名條翮一名反

影丁緩漆輪古今注曰長安巧工丁緩作七輪扇連七輪大皆徑丈一人運之則滿堂寒戰

回障日齊書曰劉祥字顯徵輕言肆行不避高下建元中為正員郎司徒褚彥回入朝以腰扇障日祥

從側過曰作如此舉止羞面見人扇障何益彥回曰寒士不遜祥曰不能賣袁劉安得免寒士諸葛揮

軍

語林曰諸葛武侯與晉宣帝戰於渭濱乘素輿著葛巾捉白羽扇指揮三軍

或畫以秦女

古詩曰綾扇如圓月出自機中素畫作秦王女乘鸞入烟霧

或遺之買臣

西京雜記朱買臣為

會稽太守懷章綬至金亭而國人未知錢劬見其黑露乃勞之曰得毋疲乎遺以紈扇買臣至郡引為上客

謝安賞袁宏之辯

見風賦扇投袁宏注

王導蔽元規之塵

晉書曰庾亮出

鎮於外以帝舅內執朝權王導不能平嘗遇西風輒舉扇自蔽曰元規塵汚人

若夫太子同心

之奇

東宮舊事曰皇太子初拜供漆要扇青竹扇各一太子納妃供同心扇三十單竹扇二十班氏

合歡之製

班婕妤好扇詩曰新製齊紈素皎潔如霜雪裁為合歡扇團團似明月出入君懷袖動搖微

風曹植之寶九華

曹植九華扇賦曰昔吾先君常侍得幸漢桓帝賜尚方竹扇名曰九華因

賦曰形五離而九折獲釐解而縷分微虬龍之蜿蜒法雲霓之細縕因形致好不常厥儀方不應矩圓不中規

湘東之題八字

梁書曰臨川王宏字正表常執白團扇湘東王取題八字銘玩之

羊欣

不書而偃蹇

梁書曰羊欣字敬元會稽王世子元顯每使書扇常不奉命元顯怒乃以為後軍府

舍子顯一揮而傲睨

齊書曰蕭子顯頗負才氣及掌選見九流賓客不與交言但舉扇一

揮而已衣冠恨之

製自武王

世本曰武王始作篋

禁於晉帝

晉中興書曰安帝義熙中

禁絹扇及撝蒲

大見扶南

異物志曰扶南國昔但作大扇遣人持之不知人各自用也

長聞

漢世

古今注曰障扇長柄扇也漢世多豪俠象雉尾而製長扇

至若逸少六角

晉書曰王

羲之居戴山見一老姥持六角扇賣之羲之書其扇各為五字姥初歎悅因謂姥曰但言是王右軍書以求百

錢嫖如其言人競買之後嫖復飛燕七華西京雜記趙

持扇來請之義之笑而不答上遣賜雲母扇五明扇傳咸之矜狗脊傳咸狗脊扇賦

七華扇翟扇蟬翼扇君子之經孤寡不穀王侯修名尚不少千之持象牙愧狗脊之為號焉顧九華之妙形搜

記曰魯少千山陽人漢文帝微服懷見伯仁而障面金欲問其道少千執象牙扇出應門說

曰王敦在西朝見周顗轉扇障面而後得住目溫嶠以後渡江不能復爾王敦曰不知吾進伯仁退

披紗世說曰溫嶠娶姑女既婚交禮女以手披爾其執

以搖風見上班氏用之逐暑春秋繁露曰以龍號彼莫

難飾其雲母鄒中記曰石虎作雲母五明金薄莫難扇

薄打純金如蟬翼二面彩漆畫列仙奇鳥

異獸雲母帖其中彩色明徹虎出時用此扇扶乘輿又
有象牙桃枝扇或綠沈色或木蘭色或作紫紺色或作

變金

色 武王救暍以遲留

帝王世說曰武王見暍人擁而扇之

顧榮揮陣而

容與

晉書曰廣陵相陳敏反留顧榮甘卓等與共舉事榮初偽與和既而說卓共攻之榮先斂舟於南岸

敏率萬人將出戰榮自麾以羽扇敏衆大潰

至於堯厨嬰脯

見風賦厨中嬰脯注

中宿

蒲葵

晉書曰謝安鄉人有罷中宿縣者還詣安問其歸資答額南周樊惟有蒲葵扇五萬安乃取一中者

執之於是京都士庶競慕價增數倍

五明靡麗

古今注曰五明扇舜所作也既受堯禪廣開視聽求

賢人以自輔故作五明扇秦漢公卿大夫皆用之魏晉非乘輿不得用

單竹精奇

見上太

注 綠沈之與紫紺木蘭之與桃枝

並見號彼莫難注

將軍當夏

而不操

太公六韜曰冬不衣裘夏不操扇

京兆走馬而猶持

漢書曰張故無威儀

時罷朝會過走馬章臺街使御史驅自以便面拊馬注便面所以障面蓋扇類也

吳猛渡江而

畫水

見江賦吳猛畫水注

范曄繫獄而題詩

宋書曰范曄謀逆被繫上有白團扇甚佳

送曄令出詩賦美句曄書曰去白日之昭昭襲長夜之悠悠上為循覽悽然

或羽翮有損少

之歎

晉中興徵說曰舊羽翮用十毛王敦始改用八羽翮損少飛翥不終之兆也

或篋筍有

棄捐之悲

班婕妤扇詩曰常恐秋節至涼飈奪炎熱棄捐篋筍中恩情終斷絕

又聞佳晉

宮之卞女

晉書曰武帝太元中博選良家以充後宮使楊后選所取后妬不取端正妙好唯取長白

卞藩女有美色帝舉扇障面語后云卞氏佳后曰藩三世后族不宜枉以卑位帝乃止

表商宗之

雉

古今注曰雉尾扇起于殷高宗有雉之祥服章多用翟羽周制以為皇后夫人車服輦車有翟即

緝雉羽為之以障翳風塵也漢朝乘輿服之後以賜梁孝王魏晉以來以為常准諸王皆得用也

何戢

之翫蟬雀

宋書曰何戢為吳興太守宗孝武賜戢蟬雀扇善畫者顧景所畫時吳郡陸探微顧寶先

皆能畫並數其巧絕

文奐之圖山水

齊書曰竟陵王孫賁字文奐善畫於扇上圖山水咫尺之

內便覺萬里為遠也

却三伏而迎九秋功無與比

事類賦卷十四

欽定四庫全書

事類賦卷十五

宋 吳淑 撰

什物部

筆

禮曰士載言史載筆古以為能述事而言故謂之為述

釋名云

又以為能畢舉萬物之形亦謂之為畢

成公綏筆賦序云

故秦謂之筆楚謂之聿而吳謂之不律

說文曰楚謂之聿秦謂之筆吳

謂之不律燕謂之弗若乃漆管綠沈之妙王羲之筆經曰有人以綠沈漆竹管及鏤管見

遺錄之多年斯可愛玩詎必金寶雕琢然後為貴乎文犀象齒之殊傅子云漢末

以黃金飾以和玉綴以隋珠文以弱翠非文犀之楨必象齒之管豐旅之柱秋兔之翰博山為牀

東宮舊事曰皇太子初拜給漆筆四枝銅博山筆牀副焉錯寶為跗西京雜記曰漢

寶為跗毛皆以秋兔之毫官師路扈為之靜女嘗貽於

又以雜寶為匣側以玉瑩翠羽皆直百金彤管詩曰靜女其周公曾寫於龜書尚書中候曰玄龜

以時文爾其中山之毫史記曰始皇令蒙恬與太子扶寫之蘇築長城恬取中山兔毛造筆

也北宮之製漢書曰尚書令僕丞郎月給秦將蒙恬之

大筆一雙篆題云北宮工作

造始

古今注曰昔蒙恬之為筆也以柘木為管鹿毛為柱羊毛為被非謂兔毛竹管也

官師路

扈之精麗

見上錯實為附注

周舍執之而司過

韓詩外傳曰趙簡子有臣曰周

舍立于門下三日三夜簡子問其故對曰臣以為諤諤之臣墨筆執贖從君之後伺君過而書之

班超

投之而立事

東觀漢記曰班超家貧傭書輟書投筆嘆曰丈夫當如傅介子張騫立功異域以取

封侯安能久事筆硯

怒王思而逐蠅

魏書王思性急嘗執筆作書魏集筆端驅去復來思怒逐

蠅不得取筆擲地毀之

傷盛吉而流涕

見冬賦盛吉書法注驚何晏而遽失

魏末傳曰司馬宣王欲誅曹爽呼何晏作奏曰宜上君名晏失筆於地

駭曹公而忽陸

吳志

曰曹公聞孫權以荊州資劉備方書筆落于地阮檄而曾訝立成

文士傳曰阮瑤紙筆操檄

立成曹公索筆求
改卒無下筆處
襴賦而未嘗停綴
黃祖太子射使襴

停綴文
至於湘東三品
梁書曰元帝為湘東王時好文

不加點
至於湘東三品
學著書常紀錄忠臣義士及文

章之美者筆有三品
或金銀雕飾或用斑竹為管忠孝
全者用金管書之德行精粹者用銀管書之文章膽逸

者以斑竹
春坊四枝
見上博山
舍毫緬邈
陸士衡文賦曰或含毫而

然邀
擗管徘徊
虞世南筆髓云夫筆長短不
楊璇染血而

書帛
謝承後漢書曰楊璇字機平平零陵賊為荊州刺史趙凱橫奏檻車徵之仍奪其筆硯乃嚙臂出血

以簿中白毛筆染血以書帛上具陳破賊形勢
陶景用
荻而畫灰
陶弘景傳曰弘景年四五歲常以
觀其染清

松之微烟

成公綏無故筆賦曰染清松之微烟

奉纖毫之積潤

徐摛詩曰纖毫

奉積潤弱質散芳烟

白牙碧縷之奇

景龍文館集云中宗令諸學士入甘露殿其北壁列書架

架前有銀硯一碧鏤牙管十銀函盛紙數十種白牙見下却琉璃而若重注

雞距鹿毛之雋

白樂天有雞距筆賦王隱筆銘曰宜其作筆必兔之毫調利難禿亦有鹿毛

王充之戶牖牆

壁

後漢書曰王充好理實閉戶潛思戶牖牆壁各置刀筆著論衡八十五篇

左思之門庭藩

溷

晉書曰左思為三都賦門庭藩溷皆置筆硯十稔方成

削荆既自於任末

拾遺記曰

任末年十四學無常師或依林木之下編茅為菴削荆為筆夜則映月望星暗則燃蒿自照

捶琴更

聞於柳惲

梁書曰柳惲常賦詩未就以筆捶琴坐客以節和之惲驚其哀韻乃製為雅音後傳擊琴

自筆捶之始也或以作鋤耒於詞園

語林曰晉蔡洪赴洛洛中人問曰吳中舊姓何如荅

曰吳府君聖朝之盛佐明時之俊又朱永長理物之宏德清選之高望嚴仲弼九臯之鳴鶴空谷之白駒顧彥

先八音之琴瑟五色之龍章張威伯歲寒之茂松幽夜之逸光陸士龍鴻鵠之徘徊懸鼓之待槌此諸君以洪

筆為鋤耒以紙札為良田以玄默為稼穡以禮義為豐年或以為刀稍於文陣筆陣

圖云夫紙者陣也筆者刀稍也墨者鎗甲也水硯者城池也心意者將軍也本領者副將也結構者謀畧也出

入者號令也屈至若趙國秋毫王義之筆經曰諸郡獻折者殺戮也

國毫中用意謂趙國平原廣澤無雜草木唯有細草是以兔肥毫長而銳也須用仲秋月收之孟秋去夏近毫

焦而嫩季秋去冬近毫脆而禿惟八月寒暑調乃中用遼西麟角見硯賦張鋒必

華麟筆注鋒必

九分管唯二握

王羲之筆經曰毛杪合鋒令長九分管修二握須圓正方可

逢陸機

而欲焚

陸雲與兄士衡書曰君苗每見兄文思欲焚筆硯

過仲宣而見閣

魏志曰王

桀才高屬文舉筆便成鍾繇王凱各為魏卿相至於朝廷奏議皆閣筆不敢措手

闕澤既自傭

書

吳志曰闕澤為人傭書以給紙筆

安世亦嘗持橐

漢書曰張安世持橐簪筆事孝武數

十年以枕中而每欲傳方

世說曰王羲之曠之子早於其父枕中竊讀筆說父恐其

幼不與乃拜泣而請之

薦下而還聞辟惡

搜神記曰王祐病有鬼至其家留赤筆十餘於

薦下曰使人簪之出入辟惡舉事皆無恙

鄭譯假潤以為辭

隋書曰高祖復鄭譯官爵令內

史令李德林作詔書高頴戲謂曰筆乾譯答曰出為方牧杖策言歸不得一錢何以潤筆上大笑

曹褒

懷鉛而嗜學

東觀漢記曰曹褒字叔通篤學常慕叔孫通為漢禮儀晝夜沈思寢則懷鉛筆行則

誦文書當其念至忽忘所之

僧虔晦迹而見容

王僧虔傳曰齊孝武欲擅書名僧虔不敢

顯迹常用拙筆以此見容

卜商括囊於則削

史記曰孔子聽訟文詞可以與人共不獨有也

至于修春秋筆則筆削則削游夏之徒不能措一詞

若夫陸倕授之於幼瑒

梁書曰紀

少瑜字幼瑒常夢陸倕以一束青錢管筆授之云我以此猶可用卿自擇其善者文詞因此進

郭璞取

之於江淹

齊書曰江淹夢得五色筆由是文藻日新後夢有人稱郭璞取之爾後為詩絕無美句時

人謂之才盡

白雲先生以鼠鬚而傳法

世說曰王羲之得用筆法於白雲先生先

生遺以鼠鬚筆又鍾繇張芝亦皆用鼠鬚筆

晉陵太守謂牙管之傷廉

宋書曰范

岫字懋賓以廉潔著稱為晉陵太守雖牙管一隻猶以為費至於上剛下柔之名蔡邕

筆賦曰上剛下柔乾坤位也新故代謝四次也圓和正直規矩極也玄首黃管天地色也三束五

重之美成公綏棄故筆賦云結三夢大手於詞臣晉王

人以大筆如椽與之人說曰君當有表赤心於史氏今古

注曰牛亨問彤管何也荅曰彤赤漆耳史官載事用赤管言以赤心紀事給相如而賦遊獵

史記曰相如為天子遊獵之賦賦成武帝令尚書給筆札供荀悅而成漢紀後漢書

荀悅為漢紀三十蔡琰求之而寫書後漢書曰曹公欲

書琰曰男女禮不親授乞給紙筆一月王隱授之而修

史

晉書曰王隱始著國史成八十八卷屬免官居家貧未能就遂南遊陶侃又詣江州投庾元規規給其筆

札其書

眊白見譏於辛毗

魏志曰明帝見殿中侍御史側階而立問此何官

辛毗

曰御史簪筆書過以紀陛下

楷縹嘗聞於夫子

經

援神契曰孔子制作孝經使七十二子向北辰磬折使曾子抱河洛事北向孔子楷縹筆衣絳單衣向北辰而

拜

別有點高洋而作主

齊書曰高洋夢人以筆點其額王曇首賀曰王當作主吳孫權

夢亦同熊

賜渾瑊而錄功

唐書曰德宗在奉天與渾瑊無名官告千餘軸使募敢死

之士賜瑊御筆一管當戰勝量功伐即署其名授之不足即以筆書其紳

太初有不畜之慎

魏末傳曰夏侯太初見召還路絕人事不畜筆其謹慎如此

歐陽有不擇之工

唐書曰歐

陽詢書不擇紙筆皆能如意褚遂
良須手和墨調精紙良筆方書
至有寶胡盧而彌珍

漢上題襟集有段成式寄溫
飛卿胡盧筆管往復書二首
却琉璃而若重
王羲之筆法曰昔人

或琉璃象牙為筆管麗飾則
有之然筆須輕便重則蹟矣
婕妤折之而尚存
時鏡新書曰魏

武帝劉婕妤好以七月
七日折琉璃筆也
鄭灼削之而更用
梁書曰鄭灼家貧好學抄義疏

以日繼夜筆毫
畫必削而用之
顏裴則多以課新
見冬賦顏裴致薪注智永則瘞

而作塚
國朝傳記曰虞監草行本師於釋智永永棲上學書業成方下其所棄筆頭盈笥後瘞之因為

退筆亦聞採彼龍鐘
嵇含筆銘曰採龍鐘拔毫和兔
截茲箇簞
戴凱

譜曰竹之別類百六十二
焉箇簞堪為矢大者為筆
痛頤為嘉
韋仲將筆法云以鐵梳梳兔毫及青

羊去其穢毛訖各別用梳掌痛正毫齊其鋒端各作扁
極令均調平好用衣青羊毛羊毛去兔毫頭下二分許
然後合扁卷令極固痛頓訖以所正青羊毛截用衣筆
心名為筆柱或曰墨池復用青毫外如作柱法使心齊
痛頓內管中寧懸蒸有度王羲之筆經曰筆成合蒸之
令熟三斗米飯以繩穿管懸

之水器上一清麗識傳玄之銘傳玄筆銘曰曄曄彤管
冉冉輕翰正色玄黑銘

心寫言光讚天人深勵未瞻逸仰嵇含之賦嵇含筆賦
序云騁韓

然君子戒之無攻異端盧逵狡兔季秋之月毫鋒甚
行本明佩刀之職隋書曰

偉遂刊懸崖之竹而為筆累遷掌朝下大夫周代故事天子臨軒掌朝典筆硯持
至御坐則大夫取進之及行本為掌朝進筆于帝承御

復欲取之行本抗聲謂承御曰筆不可得帝問之對曰
臣聞設官分職各有司存臣既不得佩承御刀承御亦

焉得取臣筆帝曰然公權陳正心之喻唐書曰柳公權為司封員外穆

宗政僻嘗問公權筆何則盡善對曰用筆在心心正則筆正上改容知其筆諫也訝蠅集於苻

堅晉書曰苻堅與王猛苻融密議於露臺有大蒼蠅入自牖間鳴聲甚大集筆而去於市中為黑衣小兒呼

曰官令卜蛇銜於管輅魏志曰管輅往見安平守王基基令作卦輅曰昧上當有大蛇

銜筆大小共視須臾失仲將留神於製作韋仲將有筆之且曰蛇者書佐也墨方已見痛

頡為雉恭見求而靳固義之筆法曰余嘗自為筆甚可嘉注用謝安石庾雄恭每就吾求之

靳而傳毛穎於韓公韓愈有毛穎傳目毫雖於白傳白樂天與元微之將

應制科各有纖鋒細管筆攜以就試相顧輒笑目為毫雖故贈元相詩曰策目穿如札毫鋒銳似錐逸少

驚入木之七分

晉事曰北郊祭文命更寫之
工人削之義之筆已入七分

仲尼止獲

麟之一句

春秋序曰絕筆於獲麟之一
句所感而起因所以為終也

斯濡翰之為用

誠詞家之急務也

硯

採陰山之潛璞

傳玄硯賦曰採陰山之潛璞問眾材
之攸宜設方圓以定形假金錢而為池

琢圓池於璧水

揚師道詠硯詩曰圓池類璧水輕翰染
烟華將軍欲定遠見弃不應賒今有圓

如栝而中隆起水環之者名
曰璧雍硯亦謂之分題硯

成墨海於一紐

文房四譜
曰昔皇帝

得玉一紐治為墨海焉其
上篆文曰帝鴻氏之硯

倂夏鼎之三趾

繁欽硯譜曰
鈞三趾於夏

鼎象辰宿 選自斧柯柳公權論硯云硯出斧柯山即觀摹之所也 置之綈几

西京雜記曰天子玉几如綈錦以玉為硯以酒為書滴皆取其不冰 或採于吳都山下房

四譜曰吳都 或取於永嘉谿裏永嘉記曰硯溪一源多石硯 若夫蓮

葉馬蹄之狀繁欽硯贊曰或規如馬蹄銳如蓮葉 圓天方地之形繁欽硯贊曰或

薄或厚乃圓乃方 木則貴其能軟傅玄硯賦曰木則貴其能軟石則美

其潤堅如朱漆之膠 玉則取其不冰見上綈几注 鵠曾聞於

銜水文房四譜曰藍田玉順山悟真寺有高僧寫涅槃經羣鵠自空中銜水添硯曾聞彼山僧傳云亦見

白傳百 蟻或見於沈簪纂異記曰有徐玄之者月夜讀書見武士數百騎升牀於花纏

韻詩 次定四七 事類賦 八

上縱兵大獵又升案於硯中施罾網獲魚數百千頭有王者顧玄之怒其無禮囚之明日玄之掘地得蟻穴盡

焚滴蟾蜍之積潤西京雜記曰昔人盜發晉靈公塚獲玉蟾蜍一枚大如拳腹容五合水潤

如新玉取為點鵠鵠之寒星柳公權嘗論硯云水中石其色青山半石其色紫山

絕頂者尤潤如猪肝色者嘉其貯水處有赤白黃色點者世謂之鵠鵠眼或脉理黃者謂之金線爾其

郎官之樣繁欽硯贊曰腰半微入謂之郎官樣終葵之製通典云號州貢終葵石硯二十

枚甄后則以為常用魏志曰甄后少喜書常用諸兄筆硯其兄戲之曰汝欲作女博士耶

后曰古者賢女未嘗不覽前史以觀成敗宇文則不能久事隋書曰宇文慶少年時曰書足

以記姓名安劉弘嘗接於晉武晉書曰劉弘嘗居洛陽能久事筆硯與武帝同閑共硯席書

又世語云曹爽與魏明亦同也彭祖曾同於宣帝漢書曰張彭祖嘗與

即位以舊恩盧攜怒以相投唐書曰僖宗時盧攜鄭畋

封陽都侯爭盧拂衣而起韓愈述其先瘞韓愈瘞硯文曰隴西李

擲硯相投也其硯匣歸埋於京師愈贊而識之曰土乎成質陶乎成

器器復其質非生死類全斯用毀不忍棄埋而識之仁

之至於梁武不珍於翔鳳梁書曰武帝性純儉吳令唐

蓋詔禁錮終身道支初得於浮檀異苑曰新道支於水側見一

家符懺皆置魚硯中忽失之夢人曰吾暫游湘水為二

妃所留今復還可於水際見尋也道支旦至水側習者

得一人過湘君廟見此魚硯在二妃側也蟬貽庾翼晉書

事類賦

九

曰庾翼少為侍中袁彖所重贈

鐵遺洪涯

洪涯先生傳曰先生欲歸

河內舍人劉守璋與道士吳恪儒生張隱來謁贈先生揚雄鐵硯并四皓鹿角枕

翫微茫之金

線

已見鳩鵲寒星注

重點滴之青花

唐李賀有青花紫石硯歌云端州匠巧如神露天磨

劍割紫雲紗慢畫暖墨花香輕涇綠沫松麝薰

亦聞稠桑美石

唐李元稹文資暇云稠桑硯始於元

和初因叔祖宰觥之耒陽諸阮溫靖之際必訪山水一日於澗側得一石時攜錫具以往因刻其遊山之姓氏

年月覺其石笑可琢為硯但大不可致又得小如拳甚多致於縣中有胥能琢之而賣大獲利稠桑石硯始於

此興平青色

劉澄之江州記曰興平縣蔡子池南有筆石穴深二百丈許石色青堪為書硯

運翰染

王粲硯銘曰墨運翰染榮辱是懋

浮津輝墨

墨藪曰凡書硯取新石潤澁相兼又

浮津輝墨者

學時方俟於凍開

四民月令曰正月硯凍開命童幼入小學十一月硯冰冷

命童幼讀書孝經論語

洗處嘗聞於水黑

文房四譜曰越州戒珠寺即義之宅也有洗硯

池至今水常黑色

張華以麟筆同賜

拾遺記曰張華博物志成晉武賜以麟角筆管遺西

所獻也青鐵硯用于闕所貢鐵為之也側理絨萬番南越所貢也側理一名陟廬又曰陟理海苔也

王慈

以素琴竝得

齊書曰王慈年八歲外祖宗江夏王義恭出寶物恣其所取慈但取素琴石硯而已

義恭善之取端谿者價重千金

柳公權論硯云端谿石為硯至妙並墨青紫色者可值千

金出青州者名標第一

柳公權論硯云青州石末為之第一絳州者次之

或為

祖先而增感

陳留志曰范喬年二歲時其祖臨終撫其首曰所恨不得見汝成人以所用硯與之

至五歲祖母告

或因雷霆而遽失

柳公權論硯云斧柯

必以中牢祭之不爾

至其汾水精奇

文房四譜云絳縣

雷震勃興失石所在

人善製澄泥硯

縫

絹袋於汾水中踰年而後取則

作澄泥硯法

泥已實囊矣陶為硯水不涸焉

壚泥水中擺之得細者澄去清水

令微乾入黃丹團搜

如麴入模中壓令至堅以竹刀刻作硯狀微蔭乾利刀

削成曝乾厚以稻糠并黃牛糞和燒之一復時然後歛

入墨蠟貯米醋蒸之五七度含津益黑不亞於石者歛

山既重於龍尾

文房四譜云歙州

西域但施於竹節

文房四譜云西域無紙筆但有墨

以瓦合或竹節即其硯也

秘雀臺之滑膩

文房四譜

臺道趾人多發其古瓦瑑硯甚工貯水數日不燥世傳

云昔人製此臺其瓦俾陶人澄泥以締絡濾過加胡桃

油堦埴之故
與他瓦異

寶栗岡之潤潔

李白酬殷十一贈栗岡硯詩云殷侯三玄士贈我栗

岡硯洒染中山毫光輝吳門練天寒水不斯所以作城

池於筆陣

義之筆陣圖曰以水硯為城池

非徒比石墨於讒說也

太公金匱

硯之書曰石墨相著而黑
邪心讒言無待而污白

紙

方絮之體

通俗文曰方絮曰紙

平滑如砥

釋名曰紙砥也

在古則

無簡牘而已

春秋序曰大事書之於策小事簡牘而已

若乃晉武側理

見硯賦張

華麟筆注漢武赫

赫漢書曰趙婕妤好妬後宮偉能生子詔封
赫赫小篋有裹藥二枚赫赫書曰告偉能

努力飲藥注赫號薄小
紙也赫音閱號音啼
松花鳳尾
資暇云松花賤其來

悞也陸龜蒙叢書云鳳尾諾自晉迄於梁陳以來藩邸
之書也鳳尾即所諾之文也諾如今制可也鳳尾賤當

番簿縷輕制
玉屑香皮
劉恂嶺表異錄曰廣州多作香

屑屑骨
意其裂之以告敗
神仙傳曰蜀先主欲伐吳問

數十裂壞之更畫一大人
又壞之先主出兵果敗矣
朱詹吞之而療饑
顏氏家訓

詹好學家貧日不爨時吞紙以實
其腹寒則抱犬而卧後以學顯
至於平淮桃花
桓玄

曰玄詔令平淮作桃花
東陽魚卵
墨藪云紙取東陽

幾有縹綠青赤等色
魚卵虛柔滑淨
段

氏雲藍

段成式與溫庭筠雲藍紙絕句序云予在九江
出意造雲藍紙既乏左伯之法全無張永之功

輒分送五十枚詞曰三十六鱗充使時數番猶得裛相思待將袍襖重抄了寫盡裏陽播搭詩文房四譜云今飛卿集中有掘拓王公蠶繭世說曰王羲之書蘭亭序詞恐播搭字誤

健絕代

金花薛骨剡藤麻面

杜陽編曰德宗廟有朱鳥來常取玉屑聲甚清暢及

為鷺鳥所搏官人皆以金花紙寫心經薦其冥福又國史補云紙之妙者則越之剡藤苔曉蜀之麻面薛骨金花魚子十分輕重於黃白御史故事曰按彈奏白簡為色淺也

差降

隨屈伸於舒卷

傳咸紙賦曰攬之則舒舍之則卷

至於干寶之賜

二百

干寶表曰臣前聊欲撰記古今怪異非常之事博訪知者片紙殘行事事各異又乏紙筆或書故紙

詔賜紙

陶侃之獻三千

見墨賦陶侃獻之晉帝注

青童琅玕之美

酉陽

雜俎云東都龍門有一家相傳廣成子所居也天寶中雅禪師居於此處多古桐桐華時有異蜂聲如人吟禪師諦視之具體人也乃搃竹篲巾網而獲焉置於紗籠中意嗜桐華採置其傍忽有數蜂翔集隔籠相慰勉一曰予與青童君非勝獲琅玕紙十幅君出當為我寫星子詞語皆非人世事僧乃舉籠放之

范甯藤

角之妍

范甯教曰上紙不可作文書皆令用藤角紙

五色方見於鳳銜

鄴中記曰

石虎詔以五色紙著鳳雛口中純白或遭於蟲蠹

唐書曰高宗上元詔曰詔勅施行既為永

式比用白紙多有蟲蠹宜令今後皆用黃紙

貢以和燾

東觀漢記曰和燾鄧后臨朝萬國貢獻悉

令禁絕歲時但貢紙墨而已

求之秘府

虞預表曰秘府有布紙三萬餘枚不任寫御書乞四百枚

付著作吏嘉百幅於杜暹

唐書曰杜暹為安州參軍扶滿將歸吏以紙萬張贈暹唯

受百幅人嘆之曰昔清吏受一大錢何異也

美一函於魏武

魏武令曰今諸

常於月朝各進得失給紙函各一

爾其翫茲靡滑

劉孝威謝官紙啓曰雖復鄴殿鳳銜漢朝

魚網平淮桃花中宮穀樹固以慙茲靡滑謝此鮮華

閱此廉方

傅咸紙賦曰既作契以代繩又造紙

而當策廉方有體柔性全真舍章蘊藻實好斯文

薛濤則矜誇蜀樣

資暇錄曰元和之初

薛濤好製小詩惜其幅大不欲長牘乃狹小之蜀中才子既以為便後減諸牘亦如是特名曰薛濤牘 僧

虔則銜耀銀光

丹陽記曰江寧縣有紙官署齊高帝造紙所也嘗造凝光紙賜王僧虔一云銀

光出晉朝者為山濤之賜

山簡表曰臣父濤奉先帝手澤青紙詔

陸郴州

者為溫裕之祥

因話錄曰大和中孔溫裕因直諫貶郴州有鵲喜於廷兒孫拜之飛去墜下方

寸紙上有補闕字未幾徵還果有此拜

美東宮之縹紅

東宮舊事曰皇太子初拜給赤紙縹

紅麻紙各百張

重六合之雲陽

國史補曰雲陽有六合殿又至有蒲州白薄重抄臨川滑薄

至

有樹葉尤珍

林邑記曰九真俗書樹葉為紙又鄭虔為廣文博士學書病無紙知慈恩寺有柿葉

數屋遂借僧居止取紅葉學書歲久殆徧也

桑根更潔

文房四譜曰雷孔璋曾孫穆之猶有張華

與祖書乃蔡侯始訝於鮮華

東觀漢記曰黃門蔡倫典作尚方作紙所謂蔡侯紙

也與服志曰蔡侯紙用故麻名麻紙木皮名穀紙故魚網名網紙

子良復稱其妙絕

良答王僧虔書曰子邑之紙妍妙輝光仲將之墨一點如漆

因相如而逾貴

漢書曰司馬相

如作子虛賦揚得意誦之帝善其詞都下傳寫為之紙貴

遇義之而不節

語林曰王右軍為會

稽謝公乞賤庫中有九萬張羊續被補而道隆
謝承後志與之桓宣武云逸少不節

羊續為南陽以清率下唯
卧一幅布綯敗糊紙補之
葛洪賣薪而志切北朴子曰洪家貧伐

薪賣之以給紙墨常乏紙所
寫皆翻覆有字人少能讀
斯可以資日用於詞園垂

無窮之芳烈者也

墨

真誥曰墨者陰之象

真誥曰今書通用墨何蓋文章屬陰墨陰象也
釋名曰墨

者晦之義

釋名曰墨者晦也言似物晦黑也

陸雲得之於魏臺

陸士龍與兄書

云一日上三臺曹公藏石
墨數十萬斤今送二螺

陶侃獻之於晉帝

文房四譜曰陶侃獻

晉帝祿紙三千枚

墨

或名重張金

石崇奴券曰張金好墨過市數螺也

妙稱祖氏

四譜曰祖氏本陽定人唐之墨官也世以易水墨為上祖氏之名聞天下也

王郎

既受於嘉惠

陳留者舊傳曰王郎剛猛能解盤牙破節目考驗楚王瑛謀反連及千餘人事竟引

入詰問無諱一見賜御筆墨再見賜佩帶三見除司徒西曹掾

張永亦傳其巧思

宋書曰張

永善隸書又有巧思紙及墨皆自營造上每得永表啓輒執玩咨嗟自歎供御者不及

汚扇上而

因成駁牛

晉書曰王獻之與桓溫書扇誤為墨汚因就成一駁牂甚工又曹興畫屏風誤汚因為蠅

文帝以出池中而更驚童子

四譜曰義熙中三藏佛默陀住建業謝司空寺造護

淨堂譯華嚴經堂下忽化出一池常有青衣童子自池中出與僧洒掃硯墨也

王遠書之而入

木

神仙傳曰漢桓帝徵仙人王遠遠乃題宮門四百班餘字帝惡而削之外字去內字復見墨皆入木裏

孟噴之而成字

神仙傳曰班孟能嚼墨一噴皆成字盡紙有義意

復有二螺九

子

二螺見上陸雲得之於魏臺注四譜曰古有九子之墨祝婚者多子善禱之義祝曰九子之墨成於松烟

本性長生子孫無邊又段成式送溫飛卿墨書曰名殊九子狀異二螺

上黨喻糜

四譜曰上黨松

心為墨尤佳漢書曰尚書令僕丞郎月賜喻糜大墨一枝小墨一枚段成式送溫飛卿墨書曰喻糜松節絕已

多其堅如玉其紋若犀

四譜曰黜歛之地有李超者本易水人唐末流離遂居歛造墨

尤妙其堅如玉其紋如犀

別有吐於魚腹

陶隱居本草注曰烏賊魚腹中有墨今作好墨用之

磨之楯鼻

四譜曰潁川荀濟與梁武有舊而帝素輕之及梁受禪乃入北嘗云曾於摘鼻磨墨作文

徽和冀公二兩之烟冀公墨法松烟二兩丁香麝香乾漆各少許以膠水撈作挺火烟上

薰之一月可使入紫草末色紫入青皮末色青矜仲將一點之漆蕭子良書曰仲將之墨一

點如揚雄受賜而石室觀書西京雜記曰詔令尚書王漆如揚雄筆墨觀書石室王

肅通靈而東齋注易輿地志曰漢時王朗為會稽太守子肅隨之郡住東齋中夜有女子

從地出稱趙王女與肅語曉別贈一丸墨肅方欲注周易因此便覺才思開悟故有領袖如皂

而唇齒皆黑趙壹非草書曰十日一筆月數九墨領袖如皂唇齒皆黑至於藏廬岳

之十年墨數曰廬山松烟代郡之鹿角膠十年已上強如石者妙也給東宮之四丸

東宮故事曰皇太子王勃之盈衣袖唐書曰王勃幼常夢人遺之墨丸盈

初拜給香墨四丸

袖後文
章大進

新室之汚陵垣

漢書曰光武起王莽令以墨汚渭陵延陵周垣

亦有斲

髓明志

宋雲行記曰西天磨伏王斲髓為墨寫大乘經

剗心表虔

拾遺記曰昔老君居景室

山與老叟五人共談天地之數換經書垂十萬言有溪提國二神人出金壺中有墨汁狀若淳漆以寫之及金

壺汁盡二人乃剗心瀝血以代墨焉五老即五天之釋也景室大室小室也

賣新著業

見紙賦葛

洪賣飲水懲憊

北齊朝會儀曰諸郡守勞訖遣陳土宜字有謬誤及書跡濫劣者必令飲墨水

一玄光有文嵩之傳

文嵩有松滋侯易玄光傳畧云光字處晦燕人也其先號青松子玄

光與南越石虛中為研究雲水之交與宣城毛元銳為文章濡染之友天子重儒封玄光為松滋侯以文章顯

用青松吟曹植之篇

曹植樂府詩曰墨出青松烟筆出狡兔翰斯筆陣之鏖

甲義之筆陣圖曰實文苑之攸先也
墨者蓋甲也



事類賦卷十五